

宋

會

要

全唐文

宋會要

審業餘輯永樂大典奉會要關將作並其屬見此

提舉修內司領雄武兵士千人供皇城內宮省垣宇繕脩之事 真宗天禧四年六月詔自今後修內司差內侍省使臣二人入內侍省使臣一人勾當從本省之請也 仁宗嘉祐三年六月二十一日以入內侍省內侍都知史志聰副都知任守忠為都大提舉內中修造先是修皇城儀殿西廡而三司言禁中營造多虛名役及大費材料故命志聰等總領之九月五日以勾當皇城司入內侍省副都知鄧保吉文思使帶御器械李繼和提舉東西華門已南諸處修造先是三司言道

以入內都知史志聰任守忠都大提舉內中修造而志
聰守中言內中並係宮禁所掌提舉其諸處殿庭門戶
庫務城壁之類從來修葺自係皇城司管轄省司相度
大內自紫宸垂拱集英殿以北崇政殿以南連接後苑
以至延福廣聖宮龍圖天章寶文閣並接近宮省乞分
令志聰等管勾東華門以南并宣祐門東直北至拱宸
門東及右銀臺門北至廣聖宮南諸處乞令皇城司管
勾皇城司官九員慮通管則不能專一乞數內專差兩
員提舉故有是命 六年閏八月六日入內副都知甘
昭吉言准勅差都大提舉內中修造勘會自來係兩員
提舉欲乞差勾當御藥院使臣一員同共提舉詔差入

內東頭供奉官勾當御藥院王世寧同提舉 英宗治平二年九月罷皇城司提舉修造官命入內內侍省副都知石全育入內內侍省押班李繼和都大提舉在內修造又命同提舉諸司庫務刑部郎中張師顏督促修內司官員 四年閏三月十四日詔差同提舉諸司庫務張師顏專切提舉在內修造先是禁中雨水之後有所繕治令師顏同三司戶部修造判官張徹領其事至是以葺完有緒仍專命師顏總之 神宗熙寧元年二月詔提舉在內修造差入內押班張若水仍今後止以一員為定制 二年閏十一月詔在內修造係宮殿門委提舉在內修造所主領其餘皇城司內宮殿門外者

或令提舉在內修造所施行 三年二月提舉在內修造司張茂則張師顏等舉司門員外郎張伸勾當修內內詔止令奏舉三班使臣一人充從初詔也 高宗紹興元年十二月一日詔修內司工匠已降指揮每日添支食錢一百文可每日更添支一百文仍自除降指揮日起支 三年正月十二日詔修內司見造御前軍器其掌管官物使臣人吏等並不許諸官司踏逐指差拘留截攔應副它處如承受傳宣內降朝旨等指揮令本司遵執更不發遣亦不回報止具奏知 十九年二月七日詔自紹興六年臨安府每月供納內修內司添修生活錢三千貫即今別無修造去處可自二月為始免

供二十年正月十五日詔宣內司并潛火人兵共一千五百人可減五百人撥赴部軍司充填雇募使喚八月一日詔御前祇應蔣璆修內司管押造作張竦各特補授進武副尉依舊祇應以璆竦進狀各在修內司一十五年別無出職補官條法自顯仁皇后上仙宣押入殿祇應及差往攢宮修奉並無違悞應本司使臣作家甲頭並轉官資了當唯臣等二人為條白身止給到公據收使未得欲將前項勞効并在司月日乞依修內司押司官蓋世顯年勞出職體例故有是命 孝宗隆興元年正月十七日詔殿司已在舊司置司其東華門外新司却令依舊交割付修內司八月十三日宰執進呈

內外諸司官吏減省員數上曰內諸司兵卒頗多修內
司尤甚可減三百人餘間有關額去處並往招填宰臣
陳康伯等稱贊而退密院降指揮減罷人數仍撥下一
等軍分收管乾道元年八月十二日詔皇子立為皇太
子其宮室官屬儀物制度並令有司討論以聞所有宮
室下兩浙轉運司臨安府同修內司踏逐地段先次彩
畫制度間架圖樣進呈訖疾速差撥人匠如法蓋造施
行 三年六月十五日修內司奏契勘垂拱紫宸祥曦
殿并逐殿門廊朵殿等每日聖駕經由紫切去處屬轉
運司臨安府分認遇有損動臨時委官前來修整竊慮
事不專一或致滅裂欲乞逐司將見管認去處專委官

檢計修整仍令取責合干人有無損動牢實軍令文狀
及乞將所差官隨任交替庶有責辦不敢推避詔依如
所差官任滿無疎虞與減二年磨勘 七年八月五日
詔令於麗正門裏東壁慢道上修蓋太子宮門一座所
屬委官計料如法修蓋 八年三月十三日詔修內司
自乾道元年四月至今將及七年造納過軍器一百五
十三萬餘件並各精緻提舉官趙志忠特與轉景福殿
使提轄官特與轉行兩官幹辦官二員各時轉行一官
使臣六人各減三年磨勘 九年閏正月九日臨安府
少尹莫濛言得旨後殿門係駕出門戶其屋宇低小道
遙子入出妨礙詔令工部日下委官計會修內司照董

院合用高低丈亦相視計料重別修蓋 淳熙元年三月二十八日詔皇城司差撥識字黃院子八人專充修內提轄司實占巡視使喚遇有修造隨工匠去處關入巡視稽察割移名糧就本司厯內幫勸如有多病癯老不堪祇應之人依本司兵匠例與帶舊請養老日後遇闕依此差填 十一年四月二十三日詔修內司提轄兼臨安府兩浙轉運司承受張思溫降一官今後提轄修內司不得兼承受臨安府并運司職事先是思溫提轄修內司承受臨安府兩浙轉運司職事干涉因緣為奸正月內指揮付臨安府將朱五孫玘王燁根勸為造屋侵街有違約束逐項疏蓋數內朱五係百姓租賃李

珪房廊居住其李珪見係承節郎王燁見任忠訓郎孫
玘見權左一廂都監除孫玘罰俸兩月外餘人各追賞
錢三百貫仍依思恭約束以奏授思溫取旨各降一官
方施行之初都人皆以為中旨既而體訪悉由思溫挾
私報讎直以己意付之有司奉行視同內降又侵占吳
山伍子胥廟基併取廟後天申節及大禮等法物庫拆
毀展闢周圍為堂室園池甃砌則盜用官輒般運則私
役部曲為察官所糾故有是命八月十九日詔入內
侍省合同憑由司出給合同憑由前去封樁庫取會子
二萬五千貫文充修內司製造點網鑿子神勁弩箭一
百萬隻第四料工物錢使用 十三年閏七月十三日

詔修內司工匠人兵臨安府不係揀中禁軍今後遇有
逃亡事故未得收填月具人數申三省樞密院 十五
年九月十八日詔德壽宮雄武兵級等並撥歸修內司
十月十二日詔修蓋皇太后殿闕工役人其德壽宮先
降付步軍司雄武兵級二百一十五人並依舊撥歸修
內司 十六年正月二十八日詔自乾道以後創置修
內司等處兼安撫司轉運司準條差遣人元非舊例可
並罷今後更不差人二月十日樞密院言提舉修內司
承受鄧曉申本司額管潛火雄武七百人內事故九人
外近承重華宮指揮於修內司差撥雄武兵級二百二
十六人過宮祇應所有退下并事故潛火名闕共二百

三十五人已於今年二月內將德壽宮元撥到雄武兵
級內充填上件名關了當其逐人合得潛火食錢報所
屬改正依例幫勘今後遇關於見在下司不係潛火人
內準此撥填施行從之

全唐文

宋會要

東西八作司舊分兩使止一司太平興國二年分兩司
景德四年併一司監官通掌天聖元年始分置官局東
司在安仁坊西司在安定坊勾當官各三人以諸司使
副及內侍充其八作曰泥作赤白作桐油作石作瓦作
竹作塼作井作又有廣備指揮主城之事總二十一作
曰大木作鋸匠作小木作皮作大爐作小爐作麻作石
作塼作泥作井作赤白作桶作瓦作竹作猛火油作釘
鉸作火藥作金火作青窑作窟子作二坊領雜役廣備
四指揮工匠三指揮 真宗景德四年六月三司提舉

司請以東西八作司街道司併為東西八作一司選差使臣勾當真宗曰工作甚衆事任非輕若此併合恐將來不濟又却改更宜令三司將逐日勾當事件相度須久遠通濟即可所奏十月詔八作司兵士功役今後墻繼師木杓塹模並支係官動使勿令斂掠置買大中祥符二年六月詔自今八作司凡有營造並先定地圖然後興工不得隨時改革若有不便改作者皆須奏裁先是遣使修吳國長公主院使人互執所見屢有改易勞費頗甚帝聞之令劾罪而條約之三年二月詔八作司見管押司官前後行曹司等自今不得抽差及割名糧隸它處四年八月詔八作司官揀詣會書算勾

當得事殿侍十人分掌應副監修如不足即旋於殿前
司抽取若一月內修及五十間支食直錢三千只添修
及五十間即支一千五百各置功課歷每日抄上赴提
點修造官通押候三年勾當無不了下三司比較磨勘
申奏與改轉酬獎 五年九月詔抽差殿侍在八作司
監修勾當合給食直錢者若填疊道路修殿宇樓臺難
計功料者亦令比類支給 六年二月詔八作司製造
竹作家事收到竹白竹梢每斤估錢六分令貨市充公
使之費四月詔八作司父兄弟會作藝者聽相承於
本司射糧充工匠仍許取使同居若差出向外監修只
將帶逐色作頭往彼不得更抽工匠自外抽來役兵有

疾患者速差醫官治療 七年三月八作司言當司先
差殿侍五十人分監在京修造率多曠慢望委本司按
罪咎責帝曰殿侍緣係諸班本司區斷事理非便自今
如小有過犯取狀戒約放免若初犯情理難恕及再犯
者奏裁四月八作司言本司工匠自今應將帶出外望
不定名抽取免令僥倖妨役從之六月詔八作司指揮
使差當直兵士二人負條一人於効役雜役指揮內抽
差逐季一替不得影占工匠十月詔八作司諸處修造
先差人員檢計據合銷工匠作分逐旋差那應副不得
一併抽占人數 九年七月詔八作司應在京修造自
八月朔悉權罷之以郊禮在近供億繁多故也 仁宗

天聖元年正月旬當八作司田承說言本司所轄廣備
兵士及八作司長行內有善工藝匠人多本司監官占
充當直欲乞自今後監官當直兵士依數下步軍司於
借事六軍內差破更不得就本司轄下抽差從之二月
三司言虎翼水軍昨營房雨浸踏移高阜其舊房屋六
百五十間合拆材植磚瓦四十一萬稱準本司劄子六
十五道取射支使切緣在京修造三司並依八作檢計
到合使物料應副其八作司又將別窠名官物直撥支
使提點修造司無憑關防欲乞今後應係修造所使物
料須計料申省撥支下數請領供使其合納物色並令
入納不得直取射支使如違官吏科違制之罪從之三

月詔自今應陳乞及傳宣修蓋並須下三司檢計合銷
人功材料數支候見三司文字方得支付時仁宗宣諭
宮中近逐急修屋多內臣直傳宣諸處不由三司勘會
大破工料採木之處山谷漸深宜與約束勿令枉費故
有此詔五月田承說言本司修造四百三十餘處累年
不結絕監修人員請出官物破耗侵欺今點檢到殿侍
蘇玉等一十人並盜官物逃走檢會元併兩司為一之
時計有左右廂橋道提點堤河城壕街渠都大管勾修
造窠坐兵士凡六處監官十六人以為冗食便以三人
代其勾當監官元食錢不過三五千今五人月請錢百
千殿侍八十四人月百二十六千更有非時差三司大

將軍將使臣添給衣服若比未併合之時備見虧官太甚每檢計提點並無新收舊管官物已支見在文帳欲乞將東西兩司却分管勾每司只差諸司使副使或閤門祇候一員內臣一員添支錢十五千日輪一員在司點檢文字一員諸處點檢脩蓋請到官物別置厯具日逐提點次第同共僉押逐月具修蓋已未功課上三司所有殿侍八十四人乞催促了當覆檢訖逐旋歸班事下三司與提舉司定奪經久利害以聞二司言承說所乞分為二司今若每旬只差二員亦恐管勾不逮今請分為兩司以正陽門景龍門直南北為界每司選差監官三員內二員諸司使副或閤門祇應一員內臣逐月

添支錢十三千疾患差出即權差官每日一員在司點
檢二員出外催促逐司置厯具巡厯催促過去處抄上
簽押每月終申三司更令比較舉行如監官弛慢信縱
拖延及致欺盜從三司申奏勘罪重寘於法又所請諸
軍營只令指揮使點檢所責監修人員畏懼不與匠人
盜官物如出軍營即殿前馬步軍司差人點檢軍營班
直更令本軍軍廂主都虞候點檢催促今詳所請未窮
弊源只如諸軍營房一指揮各及五七百間近年凡乞
添修並以全指揮計料或小可墊漏一齊拆修詭蓋今
請應諸軍班營房解宇獨墊合行添脩先令指揮使等
躬親閱視詣實保明狀上殿前馬步軍軍頭司庫務司

庫務倉場坊院園苑舍屋等處即令本庫務監專人員具詣實狀上提舉庫務倉場司應驂驥院馬監親從親事營院子營等處即令本處監專人員具詣實狀上羣牧皇城司應寺院宮觀除不係官修殿院外其合官修者即本寺綱維具詣實狀上僧道錄寺務司照檢保明上開封府應南宮北宅即本宅勾當使臣具詣實狀上管勾司宅所並逐處委不干礙官覆行照檢具無虛誑狀上本司移牒三司檢修應內侍諸班院自來逐人直申三司今後如合係官修舍屋廨宇即令本班勾當使臣相度具結罪狀上本屬入內內侍省內侍省再行勘會如得詣實即牒三司檢修仍下八作司今後應檢計

去處須監官躬親部押諸作點檢修蓋如有堪好者夾帶在內卽檢舉劾罪若修未久便有不堪卽鞠治元監官作匠其檢計丈帳三司點檢却有大計料者申勘奏科罰並以違制論先是修蓋舍屋每間在處多不牢固今緣添差監官點檢須要牢固仍令各司將見修三五間舍屋以所破功料須委監修相度日用功力計定功限永為定式今後所修舍屋橋道舊條若修後一年整限元修節料作頭定罪止杖一百二年内減一等未滿三年又減一等監修者又減一等如歲月未久具名聞奏嚴斷雖差出改轉及經赦恩亦仰根逐劾罪以聞今差監官點檢催促須是盡料修蓋之逸牢壯今後應修

蓋舍屋橋道等才了書寫記號板訖如修後未五年墊
陷並以前條年分下逐年遞減一等斷遣過赦不原又
舊來一司管勾故多積壓拖延今八作司每至年終將
一年印歷內應修造去處間架已未數及催過功役有
無剝役減料狀上三司將兩司修造去處比並如剝功
有餘減理為勞績若全然曠職舉奏勘責銜替歸班降
等差遣又八作司諸處修蓋各量事差撥兵匠今後須
具已修未了及全然未修處以元檢計日月俟排資次
置簿拘管冠日了當除傳宣緊急及營房外並以三司
帖到司月日依次置簿抄上結絕須一處畢手方撥以
次如官吏一事有違並以違制論應公主郡縣主宅自

來合係官修者如廳堂舍屋等損墊合行添修即勾當使臣相度具結罪畫圖進呈依得旨即下入內侍省差內臣管勾修蓋方計間數其勾當使臣並乞依上奏不以實條斷罪候修蓋了具料例帳上三司別差內臣點檢保明申三司又據所奏乞依舊差使臣三司軍大將監修二十間已下只差本處人員監官監修點檢二十間已上至一二百間差三司大將軍將二百間已上差使臣三司檢會 淳化四年閏十月詔監修舍屋若數不多只委監官專副計料添修 大中祥符四年九月詔又令揀抽殿侍應副監修不足即於殿前司抽取 九年五月詔八作司監修殿侍每人主處三五處令

每人專監一處仍從三司給與印紙歷子抄上候三年
滿別無違礙官吏保明申奏第一等與班行第二等與
三班差使第三等與外江押運 天禧二年正月樞密
院劄子在京監修依殿侍例每月支食直錢一千五百
守凍申功不支如監五十間相如食直錢三千今詳承
說所定間同其二十間已上至一二百間差大將軍將
監修伏緣間例數多材料不少今除將軍班在營者依
舊例人員監修外更不差殿行二十間已下及泥飾瓦
砌只委本處監官人員管勾更不差軍大將如無監官
人員即合近便監管使臣相兼管勾二十間已上至百
間差三司軍大將三年一替至滿日八作司磨勘如無

員闕保明申奏若三年都修五百間之上與轉一資三百間已上至五百間與第一等優輕差遣一百間已上至三百間與第二等優輕差遣若稍有過犯拖延偷減劾罪施行外送銜衙與第一等重難差遣百間已上於三班差借奉職殿直監修了日八作司磨勘無偷盜少欠不依得无限了當百間已上至三百間與免短使依例在程差遣三百間已上不計多少與免短使合入遠者與近地合入近者與家使如信縱偷減不依功科即劾罪申奏與小可邊遠差使所有軍大將食錢依殿侍例修造月支五百如一月內修及五間及支三十使臣修造月日支二年如一月修及五十間亦支四千其八

作司北營使令東八作司監官居仍於右廂內踏逐空
開廨宇充西八作司監官居所見今監修四百五十
三處三司近奏差內殿崇班李知常閤門祗候杜敏管
勾提點催促立限津般退材攢造文帳上三司若是南
郊大禮即令兩司共同祗應並從之遂令兩司監官各
三員東司差崇儀副使田承說禮賓副使張承渥內殿
崇班石惟清西司差禮賓副使李德明內殿崇班王中
立閤門祗應張士寧 仁宗天聖元年九月二十一日
詔近分東西八作司為兩司各定差監官三人內有疾
患差出並權差監官 康定二年七月二十二日權知
開封府賈昌朝言昨差內臣二人以司乘輿出入除道

近胥吏掠取民錢已行科斷乞依舊止令東西八作司
管勾每遇乘輿出令所差使臣即時關報八作司及左
右軍巡院祇應除道從之 嘉祐七年十月三司言乞

應係脩造監修官吏如要兵匠人數並須申三司乞差
不得直具中奏或申中書樞密院如違所乞事理更不
施行官吏並從三司劾罪官員使臣具案以聞乞行朝
典從之 英宗治平二年二月六日三司言東西八作
司使臣各一員大使臣各二員內朝臣已係三司舉外
大使臣不係三司舉並二年一替滿日無遺闕與指射
差遣乞依朝臣例委本司保舉仍乞更不差內臣勾當
從之 神宗熙寧二年三月三司言東西八作司監官

舊六員頃因霖雨添差使臣八員省司既已編排緊慢
今作番次修造則以自八作司正監官六員準條專大
將二十員提點修造司官二員分巡勾當上件使臣欲
乞兩司各留二員餘並廢罷如後有大段修造即自臨
時奏乞下三班院選差所有兩司依條幫各輪一員在
司外餘各二員逐日躬親提點催督修造及諸處檢計
仍今後五日一次具已未修間數投過及未了工限單
狀申省以憑點檢行遣其點檢司官二員亦令逐日躬
親提點催促如稍違慢勘奏之行朝典從之十月二日
以修感慈塔都計料楊琰為茶酒班殿侍三班差使減
三年磨勘充八作司指揮使初八作司度修感慈塔用

工三十四萬六千八百六十段度減十八至是畢功上
以其材可用故命之 四年十一月二日詔選差諸會
修造臣六員勾當東西八作司不得差兼他處職局

全唐文

宋會要

提點修造司舊在普忠坊後徙顯仁坊掌督京城營繕及畿縣屯兵營舍脩葺之事太平興國七年置淳化三年分左右廂隸東西八作司五年復析置以諸司使及內侍二人提舉 太宗淳化四年閏十月詔提點修造司自今在京監修屋舍若間數不多不須差人去處只委本處監官專副等計料添修 仁宗乾興元年四月三司言提點修造司申去年十二月諸處修造文帳省司點檢有二十六百七十八處內四百三十四處已修去供破料文帳二千一百五十四處見修造處蓋是兵

匠拖延切藉催促方獲辦事緣本司使臣兼提點在京諸倉場并四排岸下鑠公事不得專一催促檢欵乞特差閤門祇候及內臣共二員專管勾一司事從之

至和元年九月詔比聞差官繕修京師官舍其初多廣計功料既而指羨餘以邀賞故所修不得完久自今須實計功料申三司如七年內損壞者其監修官吏工匠並劾罪以聞 英宗治平二年八月十五日命成都府路轉運使王舉元都大提舉在京修造英宗以近歲京師屋多不至聖周至是因水災當完理命選強幹之臣置局督察故自成都召舉元委之 神宗熙寧二年五月二十八日罷提點修造司所有應係修造公事並只

令三司點檢修造所營勾施行

全唐文

宋會要

案案統料永樂真本會要關都水監其屬官見此

溝河司

天聖四年閭門祇候府界提點公事張君平

學畫置司仍專差官一員與府界提點官同共管勾府

界并南京宿亳等州軍溝洫河道至寶元二年省罷只

令隨處官員令佐等與府界提點司并轉運司各認地

分管勾掌每年開淘溝河人夫兵士功料不定 熙寧

九年五月十七日詔罷開封府界溝河司以開洛河道

已成故省專官而隸都水提舉馬

餘見排岸
依綱司下

宋會要

街道司掌治京師道路以奉乘輿出入向當官二員以

卷二十一 大典卷一千一百九十九又卷一萬七千三百七十六

大使臣或三班使臣領之 仁宗嘉祐二年十二月二

十六日管勾街道司公事寇利亨言乞招置兵士五百

人充街道司指揮功役更不立等杖委本司招置少壯

堪充功役之人所有請受例物乞行支給詔置五百人

為額立充街道指揮例物每人交錢二千青衫子一領

請受即依保節例支給仍不許宣借及諸處抽差并本

司官員當直餘從之 英宗治平三年七月九日都水

監言除街道司事只令中監依條例施行外若街道并

渠壕河道等事但係干百姓合行檢量定奪去處令監

司委街道司及本監指使并移牒開封府差曹官同共

檢量定奪利害連書申監如百姓合有罪犯牒送開封

府斷決若干人衆及詞未明事理乞本監部同判監已
下一員計會開封府那推官同共定奪施行不得差委
街道司監官管勾定奪諸般公事並不得承受行遣從
之 神宗熙寧五年正月四日都水監言今勘會將作
監準教東西八作司更不管勾街道只委街道司一面
管勾如本司闕人即令中都水監權下有處抽差勘會
每過車駕行幸并人使到闕自來條東西八作司各差
三二百人與街司兵士同共打併街道并街道司自前
曾於裝卸東窠務步軍司宣勅六軍差兵士同共功役
今街道司闕人者詳其裝卸東窠務各有重役難差撥
外乞今後只於步軍司宣勅六軍共差四百人候見本

卷之十

外乞今後共於步軍司知六軍

司文移向抽即依所定人數差撥往彼才候了日畫時
發遣詔今後如遇打併街道祇應委的闕人即得移文
步軍司權暫抽差不得將小可功役妄行闕牒仍下步
軍司才候逐次打併街道了日立便抽欄

以上宋朝會要續會要附都

水監中興以後

無此門

宋會要卷八十五

太宗太平興國六年三月召司天臺學生鄭昭晏石昌喬徐旦史序采守
吉等五人試于殿前並授司天臺主簿 八年三月命判國子監陳鄂權
天臺事臺事 端拱元年九月以秋官正苗守信為太子中允判司天監
以監丞丁文景為冬官正副之以判司天監太常博士馬韶為德安州鹿
城縣令以同判監春官正楚芝蘭為蔡州遂平縣令 至道元年十一月
以殿中丞同判司天監苗守信權知司天少監判監事立於本品之下
十一月十八日詔司天監五官正磨勘非次至改官至殿中丞正以後只
加檢校官 二年九月以直秘閣崇文院檢討杜錫直史館判三司勾院
曾致堯祕閣校理臧綸同共條貫司天臺職及諸色人先是致堯考試凡
百有六人命止取五人故復命詞議優劣 真宗景德元年正月詔司天
監翰林天文院職官學生諸色人自今不得出入臣庶家課算休咎傳寫
細行星曆及諸般陰陽文字如違並當嚴斷許人陳告厚與酬獎其學生
已下令三人為一保互相覺察同保有犯連坐之保內陳告亦與酬獎
八月詔司天監官求試親屬本業須南郊慶澤方得以聞 二年六月詔
曰靈臺列職歷代選能宜設等差用伸甄別今後司天監考試合格人詳

差四可
佳見
今同文
形即俗
所定人
數多俗

比優劣賜監生及出身其曆算學所賜出身素來優異須本業該熟方應
茲選宜委本監精加考較其所試通否保明以聞其所試監生及出身人
候三年祇應本業增廣別無違闕則取旨所置監生仍在學生之上月終
俸婚八月三日詔司天知星與氣朔三式周易等學各專其業承前有
事都令集議列名雖衆於理無益自今後皆據所習藝業同共定議仍令
常勤學業務在精通二十三日諭樞密院曰河胡屯軍處所差占候司天
官訪問每先與州縣官議奏聞事今後每有占候如合令邊臣知者即實
封中報如所占不在地分合中奏者即實封以聞此外更不得別有供報
四年六月以進士祝庶幾為司天靈臺郎庶幾蘇州人累赴鄉舉不中
第頗通象緯之學至是求試所習故有是命九月司天監言殿前刻漏
報時雜唱唐朝舊皆有詞朱梁以來因而廢棄今止唱和音歌望待詔別
製新詞習唱自今每大禮御殿登樓入閣內宴晝改時夜改更則用之常
時改刻改點則不用詔付兩制詳定學士晁迥等言按周禮有鷄人之職
始惟呼旦取象司晨此有經據實可收採其所進鷄唱舊詞已加詳正望
付本監習用從之十一月以益州習天文人楊暉為司天靈臺郎時述
撫使聞其藝薦之召赴司天監試曆術而命焉大中祥符三年閏二月

司天冬官正韓顯符造銅候儀成詔顯符選學生中可教者傳授其業

九月詔司天監官丁憂仍不持服自今仰本監具名以聞 五年八月詔

今後倉場庠務門令司天監差官輪次具名中書若差押衣襖者當一

次差遣 七年七月詔司天學生不得更注外官其本監職官出官者不

得帶陰陽天文書出外學生如陳本業陰陽星辰曆算並不得直進文狀

須經本監委判監官看詳實有藝業即具狀以聞當差官看驗者事該天

家別有異見即許實封以聞如開封不是天家文字以違制坐之 八月

詔司天監先差職官二員於鐘鼓樓下專掌漏刻時辰每月支食錢三千

自今須晝夜輪一員在樓下專管時辰不得差互 天禧三年二月詔司

天監具析保章政靈臺郎主簿轉管年月及自宋有無過犯以聞 乾興

元年仁宗已即位未改元九月司天監丞徐起等言御樓及登寶位兩次

軍恩乞依宋朝官例改轉詔罷之仍告示今後司天監及諸技術官等正

不得依宋朝官例磨勘如階轉官蓋抑雜類而別流品也 十二月詔今

後司天監五官正不得依宋朝官例差監庫務見監當者候滿日差替先

是中官正杜貽範丁慎言皆依宋朝官例監當庫務至是罷之 天聖元

年五月禮院言司天監選四季祠祭畫日先上禮儀院呈進候降指揮本

監再具申奏事涉繁紊自今止委本監依例選定從之 七月權判司天
監宋行古言於在監子弟內揀試有行止無過紀年十七已上約四十二
以並補守闕候三年有闕補正名從之 三年九月詔司天監自今後每
詳定公事須依經據不得臨時旋有移改仍取知妻狀以聞時有妄陳災
異互有異同者故戒之 五年三月詔司天監近日多有閑人僧道於監
中出入止宿私習乾象又街市小術之人妄談天道災祥動惑人民令開
封府密切捉捕嚴行止絕景祐元年五月一日新授江南東路轉運使蔣
堂言竊見司天監所置官屬所以觀習天文占候風氣今訪聞日官之輩
不思慎密乞嚴行戒勵仁宗令下提舉司天監官取戒勵今後不得滿泄
軍令文狀 寶元二年二月二十八日以司天監主簿元軫累言星變慮
兵寇在河東分野乞設警備因其自陳遷司天監丞 定康二年十二月
二日權知司天少監判監事楊惟德以災異有中及修定萬年曆成詔除
司天少監 慶曆五年六月一日詔司天監保章正至五官正自今聽十
年一遷官 至和元年十二月詔司天監天文算術官自今毋得出入臣
僚之家 景德初已有此詔 二年正月以威武軍節度推官劉抃為司
天監丞以判流內銓首黜言其多扶陰陽卜術以進權貴之門也抃累自

求免許之嘉祐五年七月權判司天監周琮言正月一日大流星出畢昂
色如火宜備胡虜後以交趾寇虜南為預言之應詔琮本言胡虜今盜起
南方即非驗自今無得妄引災福僥求恩澤 英宗治平三年五月詔司
天監官自今不差監諸倉門監丞已下月俸皆給見錢常以九員給事河
東等路總管及麟府軍馬二歲一代又歲差一員押賜衣襖 十月馬軍
副都指揮使賈遠言請三路經畧司司天監官不得與諸色祇應人往還
詔並令逐處發遣赴闕與在京差遣 十二月詔今後司天監差大兩省
一員提舉仍下提舉所取索前後條貫看詳遵守內有未便事即具奏請
凡係占候公事各令屬官依久例自奏外其餘公事差取提舉指揮應五官
正已上許升廳參見監丞已下並令庭參月給食錢十千合用印令鑄造
又太史局舊名司天監元豐官制行改今名兩朝國史志司天監監丞主
簿春官正夏官正中官正秋官正冬官正壹臺郎保章正字壹正監及少
監闕則置判監事二人以五官正以上充禮生五人曆生一人丞主簿及
五官正以下皆守其職字祭天文祥異鐘鍤刻漏寫造曆書供諸壇祀祭
告神名位版畫日天文院掌渾儀臺晝夜測驗辰象以白于監測驗注記
二人刻擇官八人監生無定員押更十五人學生三十人鐘鼓院掌鐘鼓

刻漏進牌之事節級三人直官三人鷄唱三人學生三十六人 神宗正
史職官志太史局掌占天文及風雲氣候祭祀冠裳喪葬則擇所用日其
官有令有正有春官夏官中官秋官冬官正有丞有直長有靈臺郎有保
章正而選五官正以上業優考深者二人為判及同判局保章正五年直
長至今十年一選惟靈臺郎試中乃選而學臺正無遷法其別局有天文
院鐘鼓院測驗渾儀刻漏所印曆所皆主占驗曆法 熙寧二年二月提
舉司天監司馬光言前代以來流星或如盂斗或有光燭地或有聲如雷
動人耳目者方記於文館以為災異宋朝舊制司天監天文院翰林天文
院測驗渾儀所每夜專差學生數人臺立四面瞻望流星逐次以聞及聞
報史館緣流星每夜有之不可勝數本不繫國家休咎雖令瞻望豈又能
盡記虛費人工別無所益况測驗渾儀近置刻漏及專用渾儀考察七政
以課諸曆疎密委實無暇更瞻望流星雲氣欲乞今後流星雲氣迹狀或
異及於占書有占驗者委兩天文院具休咎以聞迹狀聞報史館外其測
驗渾儀所更不令瞻望流星雲氣從之 六月提舉所言乞今後應司天
監官員監生學生諸色人等除有朝廷指揮或本監差遣外並不得擅入
皇親宮院其皇親亦不得擅勾喚如違並當嚴斷若犯別條刑名者自從

重法從之 閏十一月十七日詔提舉所今後每歲春秋委提舉官與判
監及測驗官夜於渾儀臺上指測逐人在天星宿若明士不識五以上者
降充額外學生今後每遇兩天文院及渾儀所正名學生有闕先于額外
監生學生內揀試點照天星座取及八分以上最精熟者不以上名下
次補充其因過犯降充在額外者若經三年以上別無過犯並許揀試其
因疾患及不識天星降在額外者若經一年以上所患痊愈及習識精熟
者亦許揀試若額外監生學生無可揀選許於守閑學生內依此揀試補
充逐處正名學生仍候補入兩月以上祇應本屬官員保明方丈本處請
給若自補充二處正色以後五周年以上習算天文三或經書精熟許之
試試中補充監生仍舊祇應其取經試中在天星宿者不許應天文科應
翰林天文院并鍾鼓院學生闕人並須以本監依子孫補充習曾兩犯私
罪者亦不得補充若已在翰林天文院并鍾鼓院今後兩犯私罪並勒出
於本監額外收管今後節級雖年限滿別無私罪元不得試中三科者並
試量試一科藝業十道內及四道以上者方得轉充保章正仍在逐年本
科額內不中者更候一周年已上再許就試 熙寧三年十二月詔司天
監每有占候須依經具吉凶以聞如隱情不言善惡有人駁難蒙昧朝廷

判監已下並刻罪以聞四年二月二十三日詔氏間母得執印造曆日令
司天監選官官自印實其所得之息均給在監官屬以近罷差本監官在
京庫務及倉場監門也元豐元年十二月二十三日提舉司天監所言先
被旨意應館閣所藏及私家所有陰陽之書並錄本校定置庫收掌今編
成七百一十九卷乞上殿進呈從之三年二月十一日詔自今歲降大
小曆本付川廣福建江浙荆湖路轉運司印賣不得抑配其錢歲終市輕
齎物附綱送曆日所餘路聽商人指定路分賣六月十三日詔權判司
天監丁洵權同主營司天監周琮各補一子若孫充額外學生洵二十九
年不磨勘琮領監事二十六年未常為子孫乞恩故皆及之四年十一
月二十八日詔翰林侍讀學士朝奉大夫知審官東院錢藻兼提舉司天
監五年六月十六日詔司天監曆算天文三式三科令丞主簿並減罷
以冬官正王賡言因減罷司天監官監倉草場門故增置三令丞主簿
於職事無補故也六年七月十八日太史局保章正馮士安等言大內
南景靈宮建神御殿西側尚書省錄大內為陽宅景靈宮為陰宅依經刑
在西方禍在南方福在北方德在東方二宅經犯北則報南修東則治西
今犯刑禍宜急治東北則吉詔送秘書省勤太史局衆官定士安等所言

修造及私宅法既而本局官言今國家建神御殿尚書省經國體相地宜擇時日而後治功其報治法不可用詔士安各降一資 徽宗崇寧四年

十二月五日太史局瞻望學生并鐘鼓院翰林天文局浮漏下學士工匠等自今後年及七十并六十歲以上眼昏脚疾之人並與帶薦請給額外

養老收管 政和八年六月二十九日起居住李彌遜奏太史局天文院崇文臺渾儀所隸祕書省今後頒朔布政既建府設官則太史局等處處

合撥定明堂頒朔布政府庶幾體統相成治以類舉從之 宣和二年二月二十五日中奉大夫提舉繁慶府仙源縣景靈宮太極觀魏伯修奏聖

朝建官設局陰陽經書著于太史適有選卜必有避國帝拘忌之日如日為受氣庚日平日軒姓乙未火墓乙丑小墓等日皆不可用非特國家

至於士庶亦從五姓名推五行而避之况今禮樂法度加惠四方車書混同華英共貫獨陰陽考卜之法未及天下致太史經書內禁忌之日公然

選用天下之地莫非王土豈容中外有別乎伏乞立法應官司考卜遇甲庚辛及乙未乙丑日具飲恩選之日委本局問其依此添入不許選用著

于甲令頒之天下取到太史局狀契勘應本路州軍並是國家事凡用日時隨其事宜合行選擇回避皇帝年命及國音尅姓受氣大小墓無妨礙

外其餘方可隨事選擇所宜所忌用事吉日從之

九月詔太史局測驗

渾儀刻漏所合臺節級與辛伍同例自今後改作司晨

四年五月二十

七日判太史局周彤奏乞今後應諸路轉運司每年收到督日淨利錢並

限次年四月一日已前條起發上京送納盡絕如違令本路轉運司取

索點檢究治施行詔違限如上供法

靖康元年七月十七日詔太史局

自今後應諸處勾喚并取索事干天文文字等先具奏聞聽旨前去閏十

一月二十一日詔天文局翰林天文官係屬應奉御前天文休咎之人並

不許諸官司踏逐指名抽差雖被到不拘常制特旨等許差指揮並不發

遣太史局同

高宗建炎元年五月六日詔今後如有太陽太陰五星經

度凌犯或非泛星雲氣候等所主休咎災福令太史局翰林天文局依經

書實具奏聞如敢隱蔽當從軍法

二年二月二日詔天文局太史局自

今後除奏報御前外並不許報諸處

六月二十六日詔翰林院天文局

瞻望學生見闕頗多可於太史局等處逐急指名抽差補填見闕到局依

條合得例物令行在左藏庫等處限一日支給所有逐局已取窠闕仰太

史局却於額外人內踏逐補填候回登日依舊試補

三年三月二日詔

紀元曆經等文字如人戶收到并習學之家特與放罪赴行在太史局送

納當議優與推恩 行在太史局言合要紀元曆經本立成二冊宣明曆

經本立成二冊崇天曆經本立成二冊太行曆經本立成二冊大宋天文

書并目錄一十六冊景祐乾象占三十冊乙巳占一十冊乙巳略例一十

二冊古今通占三十冊圖一本六壬遁甲大一一十三冊天文總論一十

二冊握掌占一十冊風角集二冊地理新書一十冊四季萬年曆四冊編

造下米年庚戌歲頒賜兵民歷曆本草降六冊運氣暴一冊洪範政鑒一

十三冊祥累三冊致有是命 四月十三日詔翰林天文局併歸太史局

五月十四日詔太史局天文官吳師顏郭中泰呂璨自今後許將帶字

生內中止宿祇備宣問天象紹興元年三月十八日詔乾象通鑑與舊書

參用差訛並依經改正太史局言準入內侍省東頭供奉官幹辦御藥

院邵諤付下天文官吳師顏等奏臣等承御前降到乾象通鑑一百卷謹

校勘到差訛去處略舉數事開其下項一鎮星居心本是大人有喜却作

有憂一鎮星犯房本是兵憂却作近慶一歲星占內漏南方之宿所主一

周天星座內虎賁一占一軍南門星合為奎宿度內却作婁宿度內并雜

坐星入宿度數並差一月占內大縮子却作大漏字一右旗本是九星却

作十星一二星合後漏彗字二占一太尊虎賁軍門並是黃星進賢係黑

星並作赤星一晉元帝應驗王敦舉兵逼京師本是禍及忠賢却作福字
已上開具外其餘即與本局見行乾象占書所主災福願同所定是實故
有是命二年六月十四日詔西安進士陳元勛製造到刻漏一座已送
尚書省元勛男特令太史局量試補充額內局生依條支破請給從宰臣
呂頤浩請也七月四日詔太史局生李繼宗宋公序趙祺為演求紀元
立成法推步氣朔七政可以頒朔特並補保章正差充太史局同知算造
三年正月二十三日詔今後曆日須管于十月上旬頒降了當仍以四本
作兩次入遞其賣到錢赴行在權貨務送納提點廣南東路轉運判官
章傑言國家歲頒曆日以賜群臣外登監司郡守唯嶺外遞遠郵傳積廢
每歲賜曆及降下曆日樣常是春深方到歲初數日莫知晦朔之辨故有
是命七月六日詔曆日所合書天文等事令太史局依舊每月實封供
申九月十一日詔太史局依舊每月具天文祥異實封供申中書門下
後省從起居郎曾統請也十一月二十九日詔太史局額外學生並依
本局試補子弟舊法許召募罕澤投試十二月一日詔太史局額外學
生以十人為額舊法各以三十人為額分兩番抵應至是省之五年閏
二月十日詔太史局重造新曆布衣陳得一支破保義郎券一道月給厨

食錢二十貫文親隨一名支破進武副尉券一道日支食錢二百文太史局判局輪通局一名日支食錢五百文算造官每人各日支錢四百文司辰局學生人吏每人各於見今食錢上每日貼支食錢三百文並不理為名色次數內陳得一并親隨下戶部出給券曆并本所合用攢造曆書紙札油炭之類并逐時聚議稿設合用雜支錢每月批勘錢一百貫文從秘書少監朱震請也九年五月六日詔太史局禮生頭名滿五年通到局及二十年與補進義副尉秘書省申明太史局禮生乞依翰林天文局醫官局人吏出聯條法禮部勘會欲將太史局禮生補至頭名及五年通到局及二十年與補進義副尉下與指射差違勅令所勘詳元豐法禮生係頭名及三年通入仕一十五年補進義副尉所舉天文醫官局係前行滿三年通到局及十年與補進義副尉仍指射優輕差違一次又緣太史局與天文局係一般官司兼天文局手分止是一名為額易得出職太史局却係六人為額以禮曆生迺遷至頭名方許出職雖無干炤其禮生亦令立定出職條法故有是命十年八月十日詔太史局額外學生依本局所申權行收試一次候召募試補了當如日後再有闕即依自來試法先是太史局言本局額外學生權以十人為額紹興三年十一月二十九日

指揮並依本局試補子弟舊法召募軍澤人投試自降指揮到今八年外人懼見試法兼請受徵簿無人投試今未欲權召募軍澤之人曆算者於宣明大衍崇天三經大曆內能習一經氣節一年三式者試驗六士大經五行法四課三傳決斷神將所主災福天文者試驗在天二十八宿及質問天星如試驗得中補額外學生填舊額人數庶得不致闕誤故有是命十二年十月十七日詔太史向額外學生通見額權以二十五人為額仍召募軍澤遵依紹興十年八月十日已降指揮再行試補一次十一月七日詔四院司辰請給令戶部措置增添戶部看詳今據糧料院申太史天文局鐘鼓院渾儀刻漏所乞管司辰等所請不一在京舊請并昨自車駕巡幸各人添破日支食錢二百一十文月支膳家錢三貫文外今欲將太史局額外學生每月增錢五貫文司辰局學生每月增錢四貫文陰陽官刻漏所向學生天文向司辰太史生玉漏學生禮鼓院向學生舊法學生每月增錢三貫文太史局禮曆生守闕禮生每月增錢二貫文並於見請膳家錢內增添併作一色仍自今降指揮日為始從之同日詔太史局額外學生人額依舊制祕書少監秦燔言額外學生照舊法以五十人為額紹興三年十一月權以十人為額分布不行故有是命十二

月二十七日詔太史局除子弟依條合行附試全經仍許召募草澤連依
紹興十年八月十日已降指揮再行補試一次從本局請也 十三年二
月十二日詔降曆日自紹興十四年為始依舊例申樞密院降宣附局
入連頒賜在外知州府軍監及監司臣僚軍興以來久不舉行至是因廢
西漕臣李紹祖之請從之 十四年三月十一日詔翰林天文局瞻望天
象學生依法太史局額內學生內試填其太史局添數不多可持於太史
局天文院額外學生內指差填見闕權名祇應依鐘鼓院守闕權名學生
例添破請給候試補到正人發遣今後準此 二十年七月五日詔武經
郎吳師顏可罷判太史局送吏部與江西監當差遣 二十七年正月九
日太史局待守闕禮生三名減罷候額內有闕日依名次撥填 太史局
行遣文字禮曆生三名曆生一名守闕禮生二名共六名為額至是以裁
吏額故有是命 五月是日詔太史局見管額外局學生自今後遇有事
故不赴及試充額內之人所有退下名闕從本局闕報所屬闕落名限更
不招收試補自後止遵依敕令所修到格法以十人為定數若將來額外
學生依約法有闕日即依條試補施行從本局請也 三十一年六月二
十二日詔太史局官瞻視鹵莽奏警星不見各降一官 紹興三十二年

李宗初即位未改元六月十三日詔太史局每人輪差主管文德殿鐘鼓院官一員司辰直官局學生內通輪二人赴德壽宮祇應 隆興元年七月十二日詔判太史局李繼宗特降一官以臣僚言近日天出變異繼宗不即奏聞故有是命 十三日詔天文局官王伯祚以天象之見不即奏聞緣臣僚奏陳方始具奏特降一官從殿中侍御史周操請也 八月十七日太史局言依指揮條具併省吏額本局天文院司辰額內瞻望局學生各十人各減二人額外局學生三十人減六人並以試補到司月日從下裁減司曆曆生六人減一人行道文字人吏禮曆生四人即無可減從之 十月十二日詔太史局靈臺郎楊覺民祖世賢李彥通張仲該遇恩轉官合轉直長有礙本局試法候試補直長了日收使 乾道四年五月十三日禮部言太史局每歲箋注到曆日丞指揮下兩浙轉運司雕造訖將板送秘書省印造頒賜交趾國及內外臣僚外板即無用昨秘書省申請到將運司板送權貨務印造乞降去臣字每本立價三百文出賣專委提轄檢察不得盜印從之 十一月三日秘書少監汪大猷等言契勘近得旨令秘書省根究來立己丑歲太陰九道宿度箋注御覽詣資本省累集太史局官赴省奏攷各執己見互有不同伏見朝廷考新舊曆法曾

曾差單時禮部程大昌李燕同往太史局測驗備知疎密詳悉今欲兼差單時等三人就御史臺或本省同共監集局官參算早見詣實詔差單時程大昌李燕就御史臺同共集局官參算六年二月十一日禮部言太史局昨降指揮權用乾道曆推算乾道六年庚寅歲頒賜曆日所有乾道七年辛卯歲曆日未審合用是何曆推算詔更用乾道曆推算十年八月二十六日禮部言亦准指揮權用乾道曆推算乾道八年頒賜曆日所有乾道九年癸巳歲曆日未審合用是何曆書推算詔更權用乾道曆推算一年測驗渾儀刻漏所高宗紹興二年九月七日太史局令丁師仁等言依元降渾儀法式製造渾儀所有法要九冊見在天文局權掌欲乞闕借參照使用詔依仍限一月製造了畢三年十二月一日詔測驗渾儀刻漏所學生以十人為額舊法以三人為額分兩番祇應至是省之二十七年正月九日詔渾儀刻漏所手分一名錄本所係與太史局袞同祇應可減罷今後更不差置以裁定吏額也孝宗隆興元年八月十七日本所言司辰額內瞻望局學生十人乞減二人從之以減吏額故也

鐘鼓院

高宗紹興三年十二月一日詔文德殿鐘鼓院學生以十人

為額舊法以三十人為額分兩番祇應至是省之十年八月十一日詔文

德殿鐘鼓院以二十人為額依法試驗差取如不足於太史局額外學生
內依天文局法指差權名填闕祇應請給等並依天文局體例候試補到
正人發遣二十七年正月九日詔鐘鼓院手分一名緣本所係與太史局
家同祇應可減罷今後更不差人以裁定更額也 孝宗隆興元年八月
十七日本院言司辰局學生二十人乞減二人從之以減更額故也

全唐文

宋會要

殿前司掌殿前諸班諸直及步騎諸指揮之名籍及訓練之政令國初有都點檢副都點檢之名在都指揮使之上後不復置其屬吏之名並如侍衛司而都指揮使都虞候三局吏人之數各有差降兩朝國史志殿前司都指揮使副都指揮使都虞候副都虞候掌殿前諸直及步騎諸指揮之名籍及訓練之政令國初有都點檢副都點檢之名在都指揮使之上後不復置都指揮使司孔目官勾押官押司官開拆官各一人前行六人後行十八人通引官十一人都虞候司勾押官一人前行

一人後行一人通引官一人主管殿前司一員都吏副都吏典史副典史各一名書吏六人典書二十一人副典書二十人抄寫四人分掌事務兵案掌諸軍班功賞大教轉資內外轉補排連新舊行門拍試換官等事差使磨勘案掌過茶殿侍年滿出職使人到闕差入驛殿侍諸官院下差抱笏殿侍并磨勘奏補逐班祇應參班倉案關支諸軍班應干請受尚書省齋筵并使人到闕差祇應人等騎冑案主管諸軍班教閱收支將校兵級鞍馬關請軍兵軍器并衣甲請納將校朱記推案勘鞠取會追呼諸軍班諸般詞狀公事差替諸處倉場庫務巡防兵級等收捉審驗逃走人兵法司檢引條法開拆

司收接詞狀及諸處發到文字等 大祖乾德四年六

月保寧軍節度觀察留後虎捷左右廂都虞候權侍衛
步軍司公事王繼勳為步曲所訟付中書鞠之制授彰
國軍兩使留後罷兵權以右金吾衛使杜審瓊權知步
軍司公事 真宗景德元年十一月詔殿前侍衛司自

今孔目官已下有闕不得擅自轉及改名並奏聽朝旨
先是殿前司吏人無定制只本司增移補置至是真宗
令都指揮使高瓊等重定負數以聞故有是詔 三年

八月詔殿前侍衛馬步軍典級不得求授外職 大中

祥符四年八月二十一日詔殿前司東西班增置押班
二人十月帝宣示知樞密院王欽若等曰昨日殿前都

指揮使曹璨言本司孔目官出職其依次勾押官亦乞一例出充班行且殿前侍衛諸司孔目官已下皆掌軍兵之事若輒令出職事亦非便况曾降宣命條約並令轉至孔目官五週年年及五十以上方許出職安排樞密院當誌之不可輒廢此制仍明諭曹璨知之 八年六月四日詔殿前侍衛軍司如非時宣取兵士候見御寶文字乃得交付如無即畫時奏取進止所降宣命仍仰本官躬親收掌不得轉付所司每遇轉遷遞相交授先是宮城遺燼之夕宣召諸軍皆即時奔赴帝諭以為皇族之衆非時召集宜有符驗因條約之 仁宗慶曆元年十月詔殿前馬步司應西界人先隸軍籍者具名

以聞初夏州人韓懷亮更名福為神衛軍士樞密院慮
刺探朝廷機事乃下開封府鞠狀而福自元昊未叛時
內附隸神衛軍破白豹城有勞補承局非元昊所使刺
事者詔特遷一資仍令察捕謀人之在京城者而降是
詔 五年六月二十七日詔殿前馬步軍今後所奏本
司公事除係常程依舊例轉奏外如有非沆擘畫急速
公事後殿祇候罷便令免杖子窄衣上殿若非本司公
事別陳利見即關報閣門依例上殿更不取旨 六年
五月詔殿前司自今引試武藝人文武臣僚子孫與補
班行若諸軍班即聽於軍籍就遷之 嘉祐七年五月
詔自今殿前都副指揮使唯許奏親子孫一人為閣門

祇候餘皆罷之其嘗管軍已奏子孫為閤門祇候者雖遷至殿前止許轉一官先是步軍副都指揮使馬懷德奏子仲良為閤門祇候御史陳經以謂濫恩不可以為例故釐革之神宗正史職官志殿前司侍衛馬軍司侍衛步軍司都指揮使副都指揮使都虞候司各一人以節度使為都指揮使而副都指揮使都虞候無定員以刺史以上充備則通治闕則互攝掌禁衛軍之政令隨其官名所隸而分領之訓練宿衛戍守及軍事之賞罰皆行以法而治其獄訟若情不中法則稟奏聽旨兼統制四廂軍御便殿則入侍仗下熙寧中裁定神衛刺負萬有千人建官置局總領以均役官制正名歸步軍

司設吏殿前司二十有八馬軍司十有八步軍司二十
有四各分案六 哲宗正史職官志殿前司掌殿前諸
班直及步騎諸指揮之名籍凡統制訓練番衛戍守還
補賞罰皆總其政令入則侍衛殿陛出則扈從乘輿大
禮則提點編排整肅禁衛鹵簿儀仗掌宿衛之事騎軍
有殿前指揮使內殿直散負散指揮散都頭散祇候金
槍班東西班散直鈞容直及捧日以下諸軍指揮步軍
有御龍直骨錄子直弓箭直弩直及天武以下諸軍指
揮諸班有都虞候都虞候指揮使都知副都知押班御
龍諸直有四直都虞候本直各有都虞候指揮使副指
揮使都頭副都頭十將將虞候騎軍步軍有揮日天武

左右四廂都指揮使捧日天武左右廂各有都指揮使
每軍有都指揮使都虞候每指揮有指揮使副指揮使
每都有軍使副兵馬使十將將虞候承局押官各以其
職隸于殿前司侍衛親軍馬軍司掌馬軍諸指揮之名
籍凡統制訓練番衛戍守遷補賞罰皆摠其政令侍衛
扈從及大禮宿衛如殿前司官所領馬軍自龍衛而下
有左右四廂都指揮使龍衛左右廂各有都指揮使每
軍有都指揮使都候每指揮有指揮使副指揮使每都
有軍使副兵馬使十將將虞候承局押官各以其職隸
于馬軍司侍衛親軍步軍司掌步軍諸指揮之名籍凡
統制訓練番衛戍守遷補賞罰皆摠其政令侍衛扈從

及大禮宿衛如殿前司官所領步軍自神衛而下有左右四廂都指揮使神衛左右廂各有都指揮使每軍有都指揮使都虞候每指揮有指揮使副指揮使每都有都頭副都頭十將將虞候承局押官各以其職隸于步軍司其分案置吏與神宗志同 神宗熙寧三年八月

十八日詔殿前馬步軍司今後大辟罪人並如開封府條例送糾察司錄問 九年四月二日殿前都指揮使

郝質等言往軍器監與權判監劉奉世等會議軍器上批殿前馬步軍三帥朝廷待遇禮繼二府事體至重寺監小官豈可呼召使赴期會尊卑倒植理勢不順自今止令移文定議 元豐元年十月四日左侍禁賈裕為

閣門祇候先是賈遠以經畫廊延邊事得子祐閣門祇候後除殿前副指揮使以例乞除裕閣職詔止遷一官至是遠再乞上批裕元令與閣職以遣遠經畫邊事特推恩今遠所乞乃除殿帥恩例可依所奏其轉官宣追毀 二年正月二十一日上批侍衛步軍司所管東京司備軍借事聞自來差科無優重之別勞逸頗偏一出於主轄官受禱私意間雖有守公之人亦患無法以拒干請宜依昨詳定剩自差科例委燕達具約束條目送承旨司看詳聞奏頒降具備軍借事隸步軍司差使六月十七日上批馬軍都虞候權主管步軍司燕達自蒞職以來訓齊士伍日以加進宜與一子閣門祇候

三年四月四日上批殿前侍衛馬步軍司今歲春首有
緣舊例以不該移降過犯簡退諸軍有年三十五以下
武藝及本軍中等以上者並許依舊名次收管仍令逐
司再拍試 五年七月五日殿前司言殿侍有千二百
五人自補授至今不參班乞委諸路監司取索除蕃夷
歸明僑人應任本土及有專條許留本處者及年小痼
疾委官司保明聽依舊外餘並發歸班仍立限從之

哲宗紹聖元年二月二日詔雄州團練使張利一罷新
除捧日天武四廂都指揮使以中書舍人呂希純言利
一係反逆家不可使宿衛右司諫朱勣亦言利一無邊
功乃罷之十一月二十二日引進副使宋球言殿前司

舊有寬衣天武一指揮駕出禁衛圍子常日守把在內
諸門熙寧中廢乞復置寬衣一指揮或於天武本軍內
以一指揮為之詔禁圍合用天武人兵令殿前司遇闕
選填 三年五月六日詔殿前指揮使金槍弩手班龍
旗直所減人額及排定班分並依元豐七年九月詔
殿前司指揮使左右班槍手可各以五人為額并金槍
留七十五人弩手班龍旗直各二十人外餘悉改充弓
箭手仍以弩手班排稱東第四龍旗直為第五班並候
將來轉負後施行 徽宗元符三年二月二十一日詔
樞密院具曾任管軍及堪充管軍人姓名以聞六月二
十七日差樞密副都承旨曹誘權勾當馬步軍司公事

以曾誦謨靈駕西行故也 政和四年六月八日禮制局奏中書舍人陳邦光甲管軍為武臣極任今乃不入品序止以本官為次等欲望特詔有司參酌釐正詔送禮制局本局取列管軍臣僚稱呼等階今定殿前都揮使在節度使之上殿前副都指揮使在正任觀察留後之上馬軍都指揮使馬軍副都指揮使在正任觀察使之上殿前都虞候馬軍都虞候步軍都虞候在正任防禦使之上捧日天武四廂都指揮使龍神衛四廂都指揮使在正任團練使之上從之 六年三月二日殿侍更名為祇應元指揮以差在臣僚宗室下及州縣指使難以當殿侍之稱遂改以今名今有司見行並不分別

差在諸班應奉去處並稱祇應顯是差互不當合申明
行下及取索誤行差互去處聞奏殿前司供到東西班
管下班殿侍祇應稱呼人數下項一東第一第二第三
第四第五班係披帶班見管共九百四十人內二百八
十八人差出諸軍揀填到人不許外注差遣並係殿庭
應奉人數作殿侍稱呼時暫差出却作祇應稱呼諸色
武藝呈試及保甲等補授之人差出外任作披帶祇應
稱呼如在班差使却作殿侍稱呼一茶酒新班舊班并
西第一第二班見管共一千一百六十七人四十二人
在班應奉朝殿祇應並隨班分作殿侍稱呼一千一百
二十五人任諸路任使等差遣及未到班公參之人並

隨班分作祇應稱呼一招箭班見管三十二人並作殿侍稱呼殿前司又供到樞密院政和三年二月指揮奉聖旨殿侍應奉人依舊外其非應奉人各隨班分改殿侍作祇應奉聖旨依殿前司供到狀內事理申明行下其政和三年二月指揮更不施行 七年七月二十三日本尉殿前都指揮使高俅奏奉御筆恩數等並依執政言例施行續蒙差到尚書省散祇候一十人樞密院承引官二十一人竊緣上祇候係朝廷差使之入况臣見領軍政已有人從理實未安欲望並免差破詔依所乞 高宗建炎二年七月七日詔班直並不許輒經他處陳狀僥求差遣及逃竄在諸統兵官下使喚如違並

依軍法施行如有差占去處限三日發遣歸殿前司免
罪依舊收管仍令殿前司常切遵守 四年五月二十
日上因論行門遷轉諭執宰曰此輩今挽弓弩至累石
率仰射僅能施放略不能及遠誠為無用欲改此法止
令射觀蓋兵器之利無過弓矢張守曰弧矢之利以威
天下其法為最古六月二十一日詔侍衛馬步軍緣行
在地氣卑濕病患人令戶部日下支錢修合湯藥調治
如給散數多許申乞接續支降七月三十日詔諸軍使
臣効用軍兵今後輒投別軍者使臣特除名勒停永不
叙効用軍兵並依軍兵法統制統領將佐容縱收留
亦重行典憲八月三日神武中軍統制辛永宗言被旨

令神武中軍更選親兵通舊管作六百人不隸禁衛所
朱師閔李永志主管辛永宗提舉分作三番入內祇應
乞令主管官每夜輪一負於禁中直宿從之 紹興元
年十月二十二日樞密院言郭仲荀乞初除管軍恩例
吏部擬申當得閣職上曰祖宗待三衛之厚如此直柔
曰祖宗時三衛用邊功戚里班行各一人盖有指意上
曰參用戚里固是祖宗法然窒礙處多恐不可用願浩
等退而歎曰此宣諭可為後世法十一月十三日詔郭
仲荀建炎二年任殿前都指揮使序位在節度使之上
特與依節度使法封贈三代 二年八月十二日臣僚
言自古盛主雖用文德必有親兵專掌宿衛成王即政

周公指虎賁與常伯同戒于王欲其知恤虎賁者猶今侍衛親軍也康王初立太保俾齊侯呂伋以虎賁百人迎于南門呂伋者太公望子自諸侯入典親兵猶今殿前馬步軍都帥也勳德世臣總司禁旅虎賁銳士宿衛王公其為國家慮深遠矣本朝監觀前代命三衛分掌親軍雖崇宣間舊規猶在及至高俅以恩得用軍政廢苑遂以陵夷伏望深考祖宗選擇禁旅之法修明軍政威服四方上嚴宸極詔令殿前侍衛馬步軍司同共措置申樞密院九月六日進呈僚論周公作立政言虎賁綴衣之士謂今日宜添置禁衛是日三省密院具三衛及親兵人數奏稟上曰此論與朕意不同彼但見承平

儀衛之盛今殿陛侍衛人亦不少然一衛士請給可贖三四兵朕命楊沂中治神武中軍此皆宿衛兵也卿等可與措置增修鞍馬器械乃為先務三年六月五日詔三衛提禁旅躬赴宿衛事體尤重除舊制自合遵守外自今後應出入並具開奏十二日步軍司言本司人吏副典書舊法逃走及一日降下名滿百日落籍永不收叙昨宣和年間本司一時申請歲月並許出首至今不曾銜改近來人吏多是避怕職事繁難或因功實文字擁併避免逃走稍似希少却行出首緣本司並行軍政若不別作擘畫使在司守職之人無以分別今乞將見逃走人吏副典書許限一月經本司出首與免罪

依舊名目收管支破請給限滿不肯永不收叙日後逃
走之人並依舊法施行從之八月十七日權主管殿前
司郭仲荀等言三衙管軍依舊分輪內宿別無宿止去
處欲望下修內司於南宮門裏殿門外修蓋瓦屋三間
充宿舍從之十一月四日神武中軍統制兼權殿前司
公事兼提舉宿衛親兵楊沂中言所管宿衛親兵事體
頗重近來逃走多是往諸軍下冒名顯屬紊亂軍政乞
應有軍馬去處今後如有宿衛親兵逃走到軍並不得
收留立便收捉赴本所如輒收留許從覺察申朝廷將
合千人并主兵官重賜施行詔今後班直宿衛親兵逃
走輒投別軍並依建炎四年七月已降指揮施行令尚

書刑部適牒合屬去處 四年八月十二日樞密院言
殿前司見管額外下班祇應依條合入帥司充聽候差
使其上件窠闕諸路元無定額人數昨降指揮每路以
四人為額本司尚有額外七十九人未有差遣詔逐路
帥司各增置聽候差使四人令殿前司依條差撥通作
八人為額其差注等事件並依見行條法 五年閏二
月二十五日詔管軍例遇救火日免朝參十二月一日
樞密院言已罷神武軍號中軍權隸殿前司詔揚沂中
差權主管殿前司公事應本軍統制統領改充殿前司
統制統領官餘官依此 六年正月二十七日宰執進
呈邊順乞外任劄子官鼎曰祖宗舊制三衙用邊臣戚

里及軍班出身各一人所以示激勸也上曰戚里未有
可以當此任者然近上戚里既擢用後或有罪戾罰之
則傷恩貸之則廢法故不得不謹也唐用宗室為宰相
本朝宗室雖有賢才不過侍從而上乃所以安全之也
七年七月五日樞密院言殿前司所隸諸班直禁旅
自祖宗以來專充扈衛事跡非輕元額三千六百餘人
比年以來因出職換官并事故及將未理年出職外其
所有止五百餘人比照元額闕及九分雖有宿衛親兵
緣與班直禁衛各別所有諸班直衛士闕數理宜措置
講畫楊沂中參酌措畫聞奏八年四月二十八日詔
令三衙管軍依舊通輪內宿內楊沂中令保明近上統

制官一員在內守宿諸班直宿衛親兵四年以控鶴六百三十人歸中宮位下泰定四年復立司秩仍正四品達魯花赤二員佩三珠虎符都指揮使二員佩三珠虎符副指揮使二員佩雙珠虎符知事一員提控紫贖一員令史四人譯史通事各一人奏差二人其屬百戶所儀從庫

全唐文

續會要

馬步軍殿前司 淳熙二年正月二十九日詔三衙管
軍人依舊堂除十一月十五日殿前司副都指揮使王
友直言本司使臣張政陳乞磨勘吏部更不牒會本司
徑自追當行人又牒大理寺追人赴寺乞令吏部將不
圖去處牒會本司從實回報免行發遣日後如有似此
事件亦乞依此施行從之十二月二十五日慶壽赦武
臣曾任三衙及都統制歷事太上皇帝之人轉一官內
年七十以上人轉兩官礙止法人依條回授令州縣長
吏致禮存問 五年九月十日詔臨安府轉運司自今

後殿前司買到軍器軍須物料木弓弩等照應戶部免稅公據許買數目即便放行從殿帥王友直請也 六年正月十七日殿前副都指揮使郭言四川西兵諸州寄招并額外效用等五千二百餘人可以訓練逐色武藝所有合用衣甲軍器什物欲於殿前司衙後置殿前司都作院一所追集諸軍見用人匠打造其諸軍合造軍器亦乞併入都作院製造從之十八日步軍司言諸軍應管衣甲器械軍須什物合補造闕少之數緣軍器人匠係隊牌上籍定入隊准備帶甲及輜重火頭有礙新降指揮未敢差撥入作乞降旨候年終別換隊牌許重行團結工匠於步軍司創立都作院令五軍工匠

日逐趕赴入作從之既而十四年九月步帥梁師雄言
椿辦軍器別無闕少所創立都作院欲將都字除落仍
舊止作本司作院應副日後續有闕用軍器隨宜置造
使用從之九月五日戶部言通仕郎劉三傑乞換貳資
已與換成忠郎差殿前司訓練官緣本人係創乞從軍
人未有許支請給則例詔為係文資換武特支衙官五
人例券錢二十三日馬軍司言本司財賦歲收一萬六
十餘貫所有赤曆乞每月解赴行在司驅磨印押將曆
尾支使不盡錢措置軍器從之十月三日詔使人到闕
伴射官自今於殿前馬步三司通輪保明選差十二月
十七日詔三衙主帥趕赴朝參等今來雪凍道路登陟

可權乘轎 七年二月二十七日殿前司言乞於諸軍
額外不管事訓練官將佐內揀有材幹人管幹本司諸
般差使廉勤者許額外陞差從之 八年三月五日殿
前司言本司今年春季陞加官兵一萬七百六十七人
內遊奕軍尤多其統領官趙邦寧訓練有方乞與推賞
詔轉一官四月二日侍衛步軍都虞候岳建壽言本司
差置軍馬司人吏從來於諸軍隊外効用選擇其主行
文字動干軍政而名籍各隸逐軍將隊所管不敢盡實
行移乞立定三十四人為額於兵帳內作本司軍馬人
數別立偏帳其名籍更不隸軍將所管日後有關却於
諸軍路逐差填從之五月二十六日詔三衛推吏與舊

司推紫人吏每歲袞同輪轉以殿帥郭言三衙推吏

者諸軍視望十一月二十六日殿前副都指揮使郭

言故有是詔內外諸軍過有兵將官等窠闕往往計屬關節僥求

陞差孤寒久次之人無從寸進何以激厲乞自今遇有

統制統領官闕合從主帥銓量人材保明陞差外正將

有闕令統制統領於副將內選擇副將有闕令統制統

領正將於準備將內選擇準備將闕令統制統領正副

將於訓練官內選擇訓練官闕令統制統領正副準備

將於隊部隊將內選擇結罪保明解赴主帥審察可否

施行詔依其馬步軍司并江上及四川諸軍依此施行

十二月二十七日馬軍司言承指揮於朝廷樞管米內

取撥一萬石付殿前司五千石步軍司各委官就逐軍
置場每斗只作二百七十文省出糶所有馬軍舊司亦
有口累重大官兵之家乞依例支撥米五百石付本司
出糶從之 九年正月二十五日殿前司言乞將中軍

日後合輪差本司三隊官兵免行差撥今諸軍輪環差
撥施行庶幾本軍專以防護皇城免致悞事從之

遺火本軍闕人防護 二月十四日步軍司言照得諸軍

宮門省部故有是請 部隊將押擁隊悉係一等職事其馬軍部隊將見於印

紙內繫帶批書唯步軍押擁隊止作準備使喚批書乞
將步軍司諸軍步軍押隊內有使臣名目之人照應殿
前司體例並從本司出給隊將差帖批上印紙從之五

月六日詔下班祇應依舊撥屬殿前司

下班祇應舊律殿前司統道六

年指揮撥隸兵部至是復撥隸馬部

十一年二月二日詔殿前馬步軍司

今後因病身故官兵具軍額職次姓名保明有無家累

報所屬即時於大曆內開落各糧隨曆批勘請給兩月

越次旬宣限支給五月二十二日詔武翼大夫步軍司

左軍統制張國珍兩經差權本司職事任責非輕別無

曠弛可特轉一官十一月十七日詔隨賀金國正旦國

信所馬軍行司將官軍兵二十七人並發遣歸司仍不

理為差充奉使次數內將官一名特支犒設錢二十貫

軍兵特支犒設錢一十貫並令戶部支給

以所給軍言

正旦生辰人彼此權

十二年二十一日殿中侍御史陳

賈言國家財計之入率費於養軍然軍之隸卒伍者所得常不能以贍給而自將佐等而上之則有至數十倍之多今以一軍論之自主帥而下曰統制曰統領曰正將曰副將曰準備將其負有定序蓋不容增其負而紊其職今諸軍額外負闕冗濫之費姑取殿步兩司言之殿司額外自統制而至準備將凡一百二十負而數內護聖步軍至添統制三負步司額外自統領而至準備將亦一十八負兩司歲支除逐官本身請俸外供給茶酒湯猶不下一十八緡養軍之須固已不貲而額外重費又復如此無惑乎財計之不裕也且以增創額外謂可儲養將才耶然諸軍或有闕負未見取之於此若

謂其人不足以與採擇則高廩厚俸自不宜輕以異之
臣嘗反覆以思不曉所謂乞軫念國計責實軍政將內
外諸軍額外名色自今以往一切注差其見在冗食之
人少賜甄別如有可備軍官之選則存留以俟正官有
闕日補之或其人不在使令亦乞隨宜澄汰勿使渾雜
無補國事從之 十三年十月八日詔殿前司每歲認

納內庫坊場錢四分為率推免一分仍與放一界日後

毋得再有陳乞十二月九日詔步軍司差使業減貼司

一人以司農少卿吳燠請減冗食十四年六月七日詔

馬軍行司今後不得仍前私借人馬舟船如有違戾重

作施行從添差兩浙西路安撫司九月十五日詔三衙

條將領張師孟請也

江上諸軍都統制司添差屬官並依建康府已得指揮
更不差人其差下人從省罷法先是四月十二日建康
都統制郭鈞等言本司添差屬官所請供給占破白直
官兵等數多實難應辦詔除見任添差人令終滿今任
日後更不差人至是樞密院檢坐詔旨奏聞故是有命
十五年正月二日殿前副都指揮使郭言馬軍司

及四川江上諸軍都統司屬官內皆有主管機宜文字
一負唯本司未有上件差置負闕止有書寫機宜文字
乞依馬軍司及四川江上諸軍帥司例差置主管機宜
文字一負其見任并已差下人並改作上件稱呼繫銜
所有書寫機宜文字乞用建康都統司體例辟置親屬

一次廢錢可委以心腹令掌管軍機利害文字委是兩便從之八月十七日殿前副都指揮使郭鈞言本司潛火官兵并牙兵等人昨降指揮於策選鋒軍差定官兵八百人分作兩番使喚照得所差牙兵當時係於步軍三將摘揀到強壯人充應今措置將見使喚潛火牙兵存留人一百人發下七百人歸策選鋒軍將隊收管赴教閱其闕畝令神勇軍舊牙兵隊內抽摘二百人及選鋒前軍右軍遊奕軍左軍後軍差三百人共六百人分作三番使喚及於諸軍差不入隊二百人應副諸雜役使庭幾各於軍將不致妨廢教閱及新差到牙兵支給船家錢移就本司廨舍後寨內及錢湖門外寨內

居住從之紹熙元年十月十六日臣僚言諸軍額外負
關冗濫之費甚於州縣姑取殿步兩司言之殿司額外
百統制而制準備將凡一百二十員數內護聖步軍至
添統制三員步司額外自統制而至準備將亦十八員
養軍之須固已不貲而額外重費又復如此乞將內外
諸軍額外名色一切注差其見在冗食之人如有可備
軍官之選則存留以俟正官有闕日差補或其人不任
使令亦乞隨宜澄汰從之二年六月七日詔訪聞殿
步司戰馬百司官吏輒行私借乘騎顯屬違戾仰主帥
日下禁止毋得徇情應副如或仍前借差具名聞奏
四年十二月十一日殿前副都指揮使郭杲言諸班直

行門長入祇候宮殿打繳繫鞭年代上名等居班祖宗
著令為階級次序如有侵犯當時斟量輕重照條繼罪
近有祇應年滿合該出職換官之人於引見推恩授賜
訖未投告命間輒敢挾念日前私恨恃賴已換官離班
在外尋覓舊管合干人并上名等讎恨欺凌甚者至於
毆打妾是有壞紀律使見在班人觀望循習利害非輕
乞今後如有似此之人許從本司收領具錄情犯申明
朝廷取旨責降施行庶幾換官之人有以畏憚不致取
壞禁班紀律從之 慶元四年十一月十二日臣僚言
遞年以來三衙人吏專以經營差充奉使及接送伴所
引接書表司等職事蓋是軍中財賦兵帳軍器及朝廷

施行等事皆知子細往往漏世以圖厚利至有一年之內凡遇接送使人皆在抽差之數者檢照指揮百司吏人皆可抽差何獨必欲三衙吏人使令兼閩虜使尋常所帶書表之屬例不得過三次蓋亦是關防人情密熟之弊乞劄下三衙帥臣今後不得發遣吏人往奉使所及接送伴所雖指名踏逐仰備坐今來約束指揮回報不得發遣從之 嘉泰元年十一月三日宰執進呈殿帥郭倪乞撥豐儲倉米一萬石冬至前支散口累重大官兵已得御筆依謝深甫奏殿司若欲額外備存軍士主帥自合措置不應請於朝廷兼自來無此例今若開端後必為例上曰極是如郭倪奏陳欲將雄効及軍中

子弟招填効用有壞孝宗法度誠為難行深甫奏此一
事利害極大前後帥臣專欲以此市恩不知壞國家法
度陛下聖明洞知底蘊天下事一一留聖意如此天下
亦不難治孝宗家法萬世當守今借撥米事冬節已近
且與權借撥一萬石候來春依數糴還日後不得為例
嘉定二年二月一日樞密院言殿前司步軍司申都
城火政最為急務大內與太廟三省盡在府城南隅每
遇忌辰兩司管軍悉赴景靈宮行香設有風燭救排非
便欲乞自今後忌辰令殿前步軍司管軍分輪一負詣
景靈宮行香一負專一祇備不測庶幾緩急不致誤事
從之 八年十二月十二日殿前司言準樞密院劄子

檢會知梧州鄭炎奏比年以來往往軍帥多以胥吏備數一旦遽補官未幾又躡進其姦則足以欺罔其貪則足以尅剝士卒之心不平莫不深被其害昏軍帥徇一時之顏情而不知軍旅之為重欲乞自今以往胥吏非有軍功不許徑補軍官照得三衙江上諸軍胥吏係於各軍差撥充應自後軍帥倚為腹心每遇差除即乞改撥隨行不久便與陞差職事雖有前項指揮在朝無籍可考合行措置劄付本司開具本司及諸軍統制統領將隊司等處見今充後胥吏職位姓名所請錢米等數自行下所屬令行置旁批勘却減落兵籍日後如遇開收陞轉並仰具申樞密院本司照得差軍馬軍行司等

人專一掌行應干軍務事件從來於諸軍選擇諳曉書
算行移之人充應所行一事一件動干軍政實為利害
蓋緣名籍各隸逐軍將隊所管若將逐人於本司兵帳
兵籍內令項批出不唯革絕妨嫌日後亦無假借差之
弊仍將合得諸般請給衣糧大禮賞給其餘非泛賞給
等並照大軍例支給及照逐人見請例於各軍曆內分
擘別立偏帳委官幫助按旬依宣限支請俵散遇有功
賞轉資請等照應資格循例轉行其名籍更不隸軍將
隊所管從便居住如有關額許於諸軍踏逐差填或有
因事替罷之人乞存留在司別役許令遇赦牽復令開
具見管人數職次請給則例 馬軍司提點文字一名

見闕照檢文字元管二名見闕一名見管一名正額効
用白身日請食錢三百文口食米三升大禮賞二貫文
例諸案職級元管二名見闕一名見管一名正額効用
白身日請食錢三百文口食米三升大禮賞二貫文例
諸案吏曹案元管一十三人見闕貼司一名見管一十
二人主押二人一名舊管効用白身日請食錢三百文
口食米三升大禮賞二貫文例一名額外効用守闕進
勇副尉日請食錢二百五十文米二升大禮賞二貫文
例手分五人一名正額効用進勇副尉日請食錢三百
文米三升大禮賞二貫文例一名額外効用守闕進勇
副尉日請食錢二百五十文米二升大禮賞二貫文例

三名並係額外效用白身日請食錢一百文米二升五合每月折麥錢百二十文糧米三斗春冬衣絹各二疋冬加綿一十二兩大禮賞一十五貫文例貼司見管五人並額外效用白身日請食錢一百文米二升五合每月折麥錢七百二十文糧米三斗春冬衣絹各二疋冬加綿一十二兩大禮賞一十五貫文例兵馬素元管一十四人見關貼司二人見管一十二人主押二人一名正額效用守關進勇副尉日請食錢三百文米三升大禮賞二貫文例一名額外效用白身日請食錢一百文米二升五合每月折麥錢七百二十文糧米三斗春冬衣絹各二疋冬加綿一十二兩大禮賞一十五貫文例

手分見管六人四人並正額効用白身日請食錢三百
文米三升大禮賞二貫文例二人並額外効用白身日
請食錢一百文米二升五合每月折麥錢七百二十文
糧米三斗春冬衣絹各二疋冬加綿一十二兩大禮賞
一十五貫文例貼司見管四人見闕二人一名舊管効
用白身日請食錢三百文米三升大禮賞二貫文例一
名額外効用守關進勇副尉日請食錢二百五十文米
二升大禮賞二貫文例二人並額外効用白身日請食
錢一百文米二升五合每月折麥錢七百二十文糧米
三斗春冬衣絹各二疋冬加綿一十二兩大禮賞一十
五貫文例倉推崇元管一十三人主押二人內一名係

權差典書簿再榮時暫管幹見闕貼司二人見管一十
人主押見管一名正額効用白身日請食錢三百文米
三升大禮賞二貫文例手分見管五人一名正額効用
進勇副尉日請錢三百文米三升大禮賞二貫文例一
名係正額効用白身日請食錢三百文米三升大禮賞
二貫文例三人並額外効用白身日請食錢一百文米
二升五合每月折麥錢七百二十文糧米三斗春冬衣
絹各二疋冬加綿一十二兩大禮賞一十五貫文例貼
司見管四人見闕二人二人並正額効用白身日請食
錢一百文米二升五合每月折麥錢七百二十文糧米
三斗春冬衣絹各二疋冬加綿一十二兩大禮賞一十

五貫文例發遞司手分一名正額効用白身日請食錢
三百文米三升大禮賞二貫文例開折司職級一負正
額効用守闕進勇副尉日請錢三百文米三升大禮賞
二貫文例主押二人額外効用白身日請錢一百文米
二升五合每月折麥錢七百二十文糧米三斗春冬衣
絹各二疋冬加綿一十二兩大禮賞一十五貫文例手
分見管二人並額外効用白身日請食錢一百文米二
升五合每月折麥錢七百二十文糧米三斗春冬衣絹
各二疋冬加綿一十二兩大禮賞一十五貫文例轉行
司點檢文字一負額外効用守闕進勇副尉日請食錢
二百五十文米二升大禮賞二貫文例職級一負正額

効用白身日請食錢三百文米三升大禮賞二貫文例
主押二人一名正額効用白身日請食錢三百文米三
升大禮賞二貫文例中軍一名額外効用守關進勇副
尉日請食錢二百五十文米二升大禮賞二貫文例手
分見管六人一名正額効用守關進勇副尉日請食錢
三百文米三升大禮賞二貫文例二人並正額外効用
各日請食錢二百五十文米二升大禮賞二貫文例一
名額外効用進勇副尉日請食錢三百文米二升大禮
賞二貫文例二人並額外効用白身日請食錢一百文
米二升五合每月折麥錢七百二十文糧米三斗春冬
衣絹各二疋冬加綿一十二兩大禮賞一十五貫文例

貼司見管六人一名使臣守闕進勇副尉日請食錢四
百二十六文一名額外効用攝進勇副尉日請食錢二
百五十文米二升大禮賞二貫文例四人並額外効用
白身日請食錢一百文米二升五合每折麥錢七百二
十文糧米三斗春冬衣絹各二疋冬加綿一十二兩大
禮賞一十五貫文例所有諸軍統制統領將隊司並舊
司共一千三百七十八人於內多是進牌內籍定正帶
甲準備帶甲備差人數今來若行置旁分擘減落兵籍
竊恐人數太多欲將逐人請給仍舊各軍曆內幫勘照
依條具到事理立為定額理充見管人數其請給等各
照逐人見請則例令行置旁批勘仍仰今後不許巧作

名色陞差職事如遇陞轉開收申取朝廷指揮

宋會要 行宮禁衛所

高宗建炎四年二月一日行宮禁衛所言入出皇城宮殿門等勅號近緣散漫已承指揮改造欲乞從本所出榜自二月五日為頭限三日令官司等處覈舊號納換出限不納其舊號更不行使如輒帶者從杖一百科罪詔依輒帶以違制科罪今後准此十二日行宮禁衛所言被旨應官司自給號記不許以黃色為號聽用他色即不得入皇城門如違並以違制論今來已改給號慮官司未能遍知故有違犯欲乞刑部遍牒施行從之二十四日詔行宮禁衛所已給散勅號並不許代名借

帶其借及借之者並以違制科罪許諸色人告捉每名賞錢一百貫日下於御前錢內支給 五月十七日詔行宮禁衛所使臣人吏等可住罷贍家錢特與依舊直支破每日券錢其餘官司不得援例 七月十七日行宮禁衛所言被旨禁衛所改給牌子入出皇城宮殿門令本所條具立法本所契勘應去失牌子人杖一百陪備價錢十貫即將帶牌子逃走主司官并臣僚隱瞞不即舉行杖八十去失減二等知情容庇或諸色人故為偷盜牌子規求賞贖並從徒一年科罪從之

宋會要

主管禁衛所

紹興元年二月三日幹辦皇城司馮益等言禁衛所作

緣闕官差皇城司官權領主管禁衛所時暫申請以行
宮禁衛所為名其所掌職事各隨事分隸主管今若以
禁衛所職事併歸行宮禁衛所主管本處使臣人吏等
係皇城司即不經歷自來禁衛職事所有行宮禁衛所
乞改為行在皇城司稱呼其主管禁衛所依舊欲存留
主管官一員使臣一名手分二人裝界作畫人各一名
外餘並減罷從之 三年正月二十一日主管禁衛所
言禁衛班直等服著緋綠羅紅盤鵬背子因居民泚火
燒毀詔令臨安府造緋背子三千領綠背子一千領其
合用羅仰戶部以絹代充 十三年五月八日兵部員
外郎錢時敏言伏覩皇朝鹵簿圖記凡遇郊祀其伏內

馬步導從之人悉以禁軍諸班直捧日天武拱聖驍騎等軍充焉自頃用兵以來禁旅衛兵頗多闕額雖昨因臣僚有請欲先將神龍衛上四軍旋次招填以充扈從宿衛之數然遠今累年諸路州軍所招之數未及三分之一欲望檢舉前詔申飭有司併與神勇寧朔等軍增廣招置以補儀衛之缺設或今次大禮未能遽足其數亦乞預委殿前司選差以字圖分認儀物前期教閱務於習熟詔令殿前馬步軍司將招填到人充將來大禮使用餘依 十四年十一月四日主管禁衛所言四孟朝獻車駕至景靈宮報引陪位官入殿其禁衛正是擺拽未定班路擁過若俟禁衛排立定報引班次顯是立

班遲緩欲乞今後俟催班時令禁衛所使臣二人於樞
星門外指撥禁衛通放班路從之 三十一年四月二

十三日臣僚言車駕行幸從衛禁旅每以若干人為一
列相去若干步其當乘馬前導者悉豫上其數命有司

舉繪為圖先一月以聞別具副本報御史臺有不如令
及不在圖中而輒冒至者許有司即糾之蔽而不言者

令御史臺覺察請其罪詔劄與禁衛所 孝宗紹興三

十二年未改八月十日禮部太常寺言已降詔書奉上

太上皇帝太上皇后尊號所有冊寶合隨車駕經由道

路於禁衛前陳列迎奉赴德壽宮行禮從之乾道六年
加上尊號

並同隆興元年正月十五日詔禁衛所今後車駕詣
此制

德壽宮起居可於見窠差隨從禁衛所親從內減一十八人隨從淳熙三年十一月二

十八日詔禁衛所將來太一宮對御本宮便門作行宮

殿門垂拱殿門法十三年十二月九日詔禁衛所減

投送文字親事官一人以司農少卿吳煥議減冗食下

敕令所裁定故有是命十五年五月十四日詔後殿

視事排立班直親從裁減一百五十人以權禮部侍郎

尤袤等言今外朝內朝皆未臨御竊詳後殿及延和殿

地窄隘難以排立下禁衛所條具故有是詔

宋會要

差使判員所

神衛判員所

剝員舊隸步軍司照軍中專置所以拘轄差使命提點
倉庫草場沈希顏勾當後亦命步軍司兼領 熙寧九
年六月十九日樞密院言差使剝員所係分學典領步
軍司事合依本司例申牒諸處緣條貫須得受戶部公
文方得差撥况兵部係屬尚書省合用申狀從之 八
月五日樞密院言乞在京職事官准朝旨差出勾當其
見破當直兵士剝員願將帶前去當隨行人數者聽仍
委合屬去處候見公文照會差撥從之二十一日樞密
院言差使剝員所乞今後故臣僚之家所破兵士剝員
有年高病患不堪祇應之人并申兵部乞行差換本部
依條限五日內闕報牒所差司分施行若勘會得係申

兵部月日時辰後來故停走死即行填替 二十六日
樞密院言據差使剽員所申准朝旨委取會所差兵士
與剽員一處看詳重行裁定各立案名編成條式付之
有司遵守施行下項去處所管兵士剽員內有冗占人
數未得均一今來定奪合留人數外其餘委是冗占合
行裁減諸處不得更執自來條例及元降指揮却行添
差仍乞下本處照會立為條式從之 哲宗元祐八年
十月二十九日兵部言左驍衛大將軍德州防禦使提
舉亳州明道宮劉斌前任侍衛親軍步軍都虞候信州
團練使日依條被宣借人數今來未有明文乞比類施
行本部契苗授以節度使留十五人徐誠以刺史留八

人以此約之團練使可留十人防禦使可留一十二人
觀察使兩使留後十三人從之 元符元年八月置步
軍司差使刺員所以文臣陞朝官二員管勾隸兵部
徽宗政和三年閏四月二十六日殿前都虞候姚古奏
步軍司廂軍刺員比年以來增添差使窠闕甚多致分
布不足數內當直人依格以官序占若有兼職者軍馬
司差令格備具其間又有專降指揮不理為一處窠名
緣此侵占官司虛有文移見今廂軍刺員窠名其合使
三萬二千二百八十五人己差二萬七千四百五十九
人見闕四千八百二十六人乞將步軍司見今應差兵
士刺員窠名除宰執親王三省樞密院使相兩省知省

節度使并帶御器械應差人及諸宣借并四人已下當
直人外餘並令步軍司各以十分為率將當直人坐闕
二分并窠坐非泛人坐闕三分權住差填候向去人數
稍寬即依舊其兼職當直人並於馬軍司差餘正減罷
已上雖日後遇有專降指揮亦乞候步軍司諸窠名差
填足日三分中差一分應副所貴即日免致闕悞又奏
差使兵士剝員係分三等揀差雖有法許於本等人指
名抽差去處緣往往互相踏逐移文繁冗除宰執親王
三省樞密院使相兩省知省節度使并帶御器械應差
人及諸宣借外餘並乞今後不許指名抽差又奏自來
官員差破兵士剝員遇有新到并替罷事故之類別無

所屬闕報所有差索止憑逐官白狀亦無印憑致步軍
司難以信驗其間或有多占之數亦無以照會乞將今
後應差破步軍司兵士剝員除宰執親王三省樞密院
使相節度使外其餘官差人於步軍司以千字文為號
置合同應子一道遇差人執赴步軍司照會差填如有
差移替罷事故各開具的實月日合破已占見闕人數
軍分姓名并將見占人因事發遣者各限三日中所屬
其所屬亦見一日闕報步軍司無所屬者並申合屬曹
部如有違滯去處乞令有司各立條禁並從之 五年
七月三日步軍司言本司所管兵士剝員闕人差使蒙
下東京等路州縣剝刷剝員四千人至今未見差刷到

一名竊緣見今諸處窠名內例皆闕人無可補填欲乞
差大使臣二員分詣逐路剗刷從之 高宗紹興四年
正月十二日詔今後應行在官等合破兵士及諸色人
從如所屬差撥不足並與依數批勘錢米等許從本官
雇募仍隨宜支給 二十七年正月二十八日兵部言
臣僚之家合破宣借人兵內有逃亡事故之人並不照
應條法依舊批勘支破錢米欲乞下諸路州軍今後每
遇幫支仰取索付身并券歷照驗指實將見存人兵依
條支給如有逃亡事故之人仰日下依條開落如違及
冒名承代請人并幫書人吏並依詐欺法科罪詔依仍
令逐路轉運司常切覺察刑部遍牒施行 八月九日

臣僚言竊見諸路州軍所管廂禁軍皆有定額禁軍日合教閱在法不許差出比年以來軍政隳壞且如監司赴任替移例於管下州軍差撥廂軍接送廂軍不尼則以禁軍填之既畢之後不發回元差州軍並各拘留在司椿管謂之簽廳兵士別給口券所費不貲或借以般家屬或借以送行李或借寄居當直或借親信私役不過倣一時之虛譽然耗蠹國用敗壞軍政莫此為甚欲望詳察付有司照見行條法下逐路監司將見椿管在簽廳兵士日下盡數發歸元差去處今後監司接送據依條合破人數分下諸州差撥候接送回日即時發回逐州仍專委帥臣覺察庶幾兵無冗食官無妄費禁軍

教閱之法不為虛文從之 三十年正月二十一日侍
衛步軍司言得旨修內司并潛火人兵共一千五百人
可減五百人撥赴步軍司充填雇募使喚今欲除願放
停并發歸元來去處外將發遣到人依舊職名並撥歸
本司廂備軍指揮寄營收管內將職名請給稍高人充
新招宣効餘充備軍各依則例支破請給仍將前項人
遇有撥填願募不足去處逐旋輪流差撥有犯依廂軍
條法斷罪施行從之 三十一年正月五日臣僚言竊
惟諸郡之置禁旅本以嚴武備而扞寇盜曩時固有邊
郡更戍之役自南渡以來不聞有是事千百為群仰食
公上工匠役作蒼頭小兒雜廁其間為郡將者徒務收

為衛兵名曰水下次供私役甚者至於有其名而無其人則有所謂虛券者有其人而非其真則有所謂詭名者而掌兵之官又或與軍校輩利其衣糧而私有之加以諸軍揀汰養老分下諸州者每歲增添又復不已臣恐數年之後卒伍多於農夫矣今州郡之間月糧不足則取之加耗春衣不足則例皆折錢競取屬邑達官督責急於星火預借夏稅侵耗上供欲望自今後如遇均下諸州招填三衙闕額之人不得收在水下次供私役及將虛券詭名委守臣日下根刷改正從之 孝宗乾道六年八月二十八日步軍司言殿前馬步軍司逃走首身人兵解赴承旨司等驗內有不及等仗短小人撥

付臨安府充廂軍欲乞改送本司刺填左右武肅指揮
內有雜犯人刺填忠靖指揮收到人合得錢米依昨臨
安府先撥到本司充填顧募人則例日支食錢一百文
米二升半非惟不須支破衣賜綿絹亦貴差使不致闕
誤從之 七年二月八日宰執進呈殿前司舊司人數
虞允文奏曰趨朝參人多五十歲者惟諸處窠占皆少
壯人大抵舊司人請給優厚且少壯者若悉以充雜役
誠為可惜上曰然昨議殿司揀汰人別立軍分充諸處
占破却選舊司少壯人帶甲入隊此說甚善不惟汰去
者有所歸而少壯人入隊散閱不虛費請給一舉而兩
得也

宋會要御營使

孝宗隆興元年六月二十二日詔浙西副總管李寶差兼御營統制官措置浙西海道二十三日御營使楊存中言已降指揮車駕候秋涼日進發金路先往江上措置營寨并點檢沿江一帶守備事務乞差御營提舉一行事務一員先次起發前去詔楊傑差充御營提舉一行事務同日楊存中言先次起發往建康府措置營寨點檢沿江一帶守備事務合行事件乞依昨御營宿衛使前後已得指揮數內屬官乞差主管機宜文字一員幹辦公事准備差遣各二員准備使喚乞通差八員行遣文字乞差主管文字六人書寫文字四人書奏二

人並許於六曹內外官司或使臣校副尉及白身人
以有無拘礙指名抽差一行官屬等請受於所至州軍
批勘如在鎮江建康乞於總領所糧料院照券批勘及
又乞差點檢醫藥餘食官一員請給並依準備差遣已
得指揮施行並從之 同日御營提舉一行事務楊俱
言乞比附叅贊軍事唐文若已得指揮差屬官一員外
使臣人吏比唐文若更乞減三分之一不拘常制指差
其一行請給券食錢聽家錢借請等亦乞依唐文若已
得指揮施行從之 二十四日詔殿前司諸軍並令撥
隸御營使和義郡王楊存中使喚 七月十九日御營
使楊存中言昨奉祠日除旦望起居筵宴從駕上壽外

餘並免赴今來差充御營使所有常朝起居及本職奏
事乞聽許引對從之 九月二十一日詔御營使楊存
中依舊宮觀其見管軍馬可撥歸殿司從其請也 十
月七日詔御營使楊存中已乞解罷依舊奉祠限五日
結局所有屬官元係見任兼職並令歸職任

宋會要

都統制

建炎元年六月二十六日劉光世言朝廷設一統制體貌非輕今因諸路起兵有自稱為統制者有州縣起發勤王人兵管押一二百人亦差充統制者有諸道都總管及諸司妄稱便宜差充統制者今乞除行在及中都主兵官朝廷差充統制官外餘並罷內已撥屬御營使司等軍馬其舊稱統制者並委御營使司都統制據其所管軍馬改為管押官或都押官之類從之 紹興十一年四月二十七日詔韓世忠張俊岳飛已除樞密使副其舊領宣撫等司可罷遇出師臨時取旨其宣撫等司見今所管統制統領管將副以上並改充御前統制

統領官將副隸樞密院各帶御前字入銜有司鑄印給
付且令依舊駐劄將來調發並三者樞密院得旨施行
仍令逐司統制官等各以職次高下輪替入見委賞功
司將未了功賞疾速取旨推恩 二十三年閏十二月
十七日詔三衙管軍及御前諸軍都統制官保明逐軍
統制官供職滿十年無公私過犯之人申樞密院取旨
與轉行一官至承宣使依條回授 二十八年三月十
七日詔田師中除太尉已八年并有昨來遣發官兵李
道等收捕徭賊楊再與功賞未曾推恩可併與轉一官
制太尉定江軍節度使鄂州駐劄御前諸軍都統制提
領營田田師中可特授開府儀同三司 二十九年閏

六月十七日詔龍神衛四廂都指揮使寧武軍承宣使
步軍司第一將統制官戚方已陞都統制可改第一將
作前軍 八月八日詔右武大夫和州防禦使殿前司
統制賁和仲改添差權發遣兩浙西路馬步軍副都總
管常州駐劄請給人從依正官仍免借減和仲以母老
乞外任故也 三十一年五月十二日鎮江府駐劄御
前水軍副統制李輔等六人令離軍別與外路總管都
監等差遣以都統制劉鈞奏輔等從軍歲久累立戰功
今金瘡發動寔難從軍故也 三十二年五月十七日
詔魏勝守海州歷時暴露忠義可嘉可除山東路忠義
軍都統制依舊知海州令戶部出給料錢文歷 隆興

二年三月二十七日詔應諸軍并樞密院都督府創置
副都統制可並罷只作統制官 八月五日臣僚上言
臣聞自古謂將帥國之司命社稷之存亡繫焉人主所
當注意而不可忽者也當其東拔之際若使以賄賂得
之則賢否混淆功罪倒置矣唐李騎納賂於李齊運而
得觀察使其後騎以浙西一道反梁段凝納賂於趙張
而得招討使其後數以禁軍十萬降皆已然之明戒也
近見關報大理寺勘到魏尚係左軍統制要帶閤職於
今年四月內問錢糧司游寔等處取到所管衆軍口食
錢三千五百貫文買金一百兩并將自己銀一百七十
五兩託黃自得尋討閤節求帶閤職可不嚴行懲戒欵

望將魏尚重作行遣降指揮今後敢有受財為諸將營
求差遣賦滿者當以軍法從事雖權貴不引蔭從之
乾道元年二月二十日詔應內外諸軍統制將佐等除
定員外並行減罷今後輒作名目增重員闕內委御史
臺外委總領常切糾察按劾以聞差與被差之人並加
重罰從淮西江東總領楊俊之請也 十一月十二日
詔興州駐劄御前中軍統制吳挺近已自陳除落熙河
路經略文撫使理宜優剋可持與陞差本軍都統制填
吳洪舊闕 二年正月二十六日詔郢州防禦使帶御
器械侍衛馬軍司前軍統制顧暉罷帶御器械并統制
與在外差遣以主管侍衛馬軍司公事戚方奏暉叙衆

慘酷治事不公難以存留在任故有是命 二月二十
二日宰執進呈戚方申審陞堯統領官孟俊充統制副
將董苑充統領洪适等奏曰孟俊今年九月方及三年
董苑充統領係陞二等上曰孟俊可衣差董苑陞二等
恐後求後例且已之上曰立定年限省多少事亦是良
法 十月十六日詔諸路御前諸軍都統制自後除總
領監司郡守應有職事許行報謁外其餘賓客並不許
謁見 三年五月六日宰執進呈汪應辰奏吳璘以病
呼其子援至興州今病未愈上曰萬一吳璘不起誰可
以代之又謂虞允文曰卿言前任天錫可代吳璘亦是
允文奏曰不職任天錫項在山前聞諸將士多服之臣

帝奏曰聞其人已老亦是宿將上曰可召赴行在試觀
其人上又曰近又召王貴張平姚志吳勝等一無可使
者俟其歸朝廷宜行舉者賞罰以驚諸將使他日無敢
以不才之人為統制官也 十八日宰執進呈陳天麟
奏荆南都統制王宣病久近邊報不一恐緩急悞事上
曰此事當如何臣帝奏曰不得已且差負琦為副都統
就便同管軍使王宣病愈却制相度上曰如此甚善便
可行下 六月四日上宣諭宰臣曰吳璘病亟諸將未
有可代之者昨召任天錫外聞其人已老萬一不堪何
人可用且令汪應辰移制置於利州時暫節制諸軍馬
朝廷却徐擇其人陳俊卿奏曰諸將極難得人且如知

洋州都統制王權亦未甚愜衆論上曰朕亦知之但無其人當時且令往朕朝夕亦不放心虞允文奏曰此人淮西兩敗事如何可用誠是誠是於是旨以吳勝為利州東路都統制王權召赴行在閏七月一日上宣諭率執曰朕欲今後江上諸軍各置副都統一負令燕領軍事豈惟儲他日統帥亦使王將有顧忌不敢專擅作過葉頌等奏曰甚善六日率執進呈戚方守鎮江御軍無法惟務括剋侵盜入已八日戚方朕初極委任之至加以旄鉞方所為負朕如此卿等可惜置理會遺官骸究可降指揮召赴行在方既到除提舉佑神觀軍中開方罷莫不呼舞中外嘆仰上之英斷臣杞又奏曰

昨日得旨欲置諸軍副都統未知合差何人上曰鎮江郭綱如何臣等奏臣詢問得郭綱甚好又嘗問郭振亦稱之上曰更待詢問未日呈於是翼日郭綱除鎮江副都統制十三日宰執進呈郭綱除鎮江軍副都統制已供職上曰郭綱之除聞鎮江軍中甚喜葉頤等奏曰郭綱甚廉軍中素所推服十七日三省樞密院奏勘會已絳指揮復置在外諸軍副都統制裨贊主帥商義軍事覺察姦弊今措置約束下頃一合以副都統稱呼呼更不給印一應干本司文字與都統制連御申發一調發軍馬並聽都統制指揮或有違戾奏劾取旨一差撥親隨衙兵并馬並粟都統制差撥一每月支給錢一

百八十貫一差破日直四十八並從之 二十八日詔
武節大夫利州路駐劄御前中軍統制郭訢降授武功
大夫以供其人馬數失實也 八月八日詔鎮江府駐
劄御前右軍統制官李直與放罷以隱落本軍官錢主
帥昧究得實也 二十六日詔諸軍統制統領官子弟
不許就本軍任主兵差遣如委有才武戰功可以任事
令赴宣武司呈試兩易從虞允文之請也 四年三月
二十七日虞允文言據利州西路駐劄御前諸軍都統
制任天錫中所管軍馬比諸路最多邊面闊遠事務繁
劇止有幹辦公事一員委是闕官協濟乞依荆鄂都統
司例差置主管機宜文字一員幹辦公事一員從之

八月二十八日四方館狀進奏院繳申到外任臣僚九月旦表內武功大夫達州刺史鎮江府駐劄御前諸軍副都統制郭綱武功大夫速康府駐劄御前諸軍副都統制張榮契勘逐官官職未應合上表章進奏院稱逐官職事係比將副以上今來本館未敢繳進詔今後都統制副都統制並與投進十一月二十二日詔時俊不候總領所審驗私行收刺効用顯屬專擅可特落軍職十二月二十四日利州西路駐劄御前諸軍都統制負琦劄子奏乞依建康鎮江例每軍并都統制司各乞置酒庫一所赴辦取息專一置造軍器激犒軍馬從之五年三月十一日詔利州防禦使興州駐劄御前

諸軍都統制在天錫在軍侵用官錢數萬計四川宣撫使虞允文奏劾未上可責授忠州團練副使 四月六日四川宣撫使王炎劄子奏臣面蒙聖訓令於在外及諸軍偏裨或小官內選擇人材將來可以管幹軍馬者以姓名開奏臣已恭依前路或有選擇到人乞且令帶行新舊請給差充宣撫司準備統制統領將官準備將各添文小券一道俟試以職事果堪任使即具姓名開奏從之 十月十一日王炎劄子奏臣契勘昨來川路三都統並係隨駐劄州軍繫銜金泉利州東西路已降指揮併作一路金房開達四州分隸了當日今負琦在興州吳拱在興元府王承祖在金州駐劄其階銜內負

琦尚帶利州西路吳拱尚帶利州東路王承祖尚帶金
房開遼州副都統制委是名稱未正望將川路三都統
並隨駐劄州軍繫銜兼契勘員琦吳拱是用印記已係
興州興元府駐劄御前諸軍都統制印不合別鑄外其
金州都統制印記乞以金州駐劄御前諸軍都統制印
一十二字為文下所屬別行鑄造降下詔依奏吳拱充
興元府員琦充興州並駐劄御前諸軍都統制王承祖
充金州駐劄御前諸軍副都統制 六年九月十九日
英州刺史差充他州駐劄御前諸軍都統制吳總內殿
朝辭奏事上曰將帥難得人故文臣中擇卿將帥須先
民事然後統軍 十二月十七日詔今後諸軍統兵官

過關須管依次陞差如有人材超異仰其名申奏取旨
每月請到銀並依變賣實數依散不得令合千人減尅
侵盜并將見錢兌換會子仍令都統制常切約束總領
所不住覺察如或違戾即時具奏從臣僚之請也 七
年二月十六日詔從來帥臣循習舊弊於改除之際額
外多差將佐之屬以示私恩可令內外諸軍除合用員
額外餘日不並罷今後除准備將以上遇有陞差依指
揮令赴樞密院總領所審察其訓練官以下並須依公
選差於當日具所差人職次姓名申樞密院如有違戾
主帥及被差人並以違制論 六月二十一日樞密院
奏勘會江上駐劄諸軍統制統領將官如遇揀汰元無

例帶外任差遣反例帶低小之人見今總領所與使臣
一例袞同分撥添差諸州軍聽候使喚委無甄別未稱
朝廷優恤之意理宜措置詔今後統制官與添差外路
正將統領與副將正將與准備將將領與諸州軍都監
小使臣與監押若係橫行以上官序或歸正人仰主帥
開具保明申樞密院取旨 八月四日詔諸軍統領統
領揀汰罷軍內無例帶或例帶低小之人自後統制官
與添差路分副都監統領官添差正將餘依乾道七年
六月二十一日指揮 八年六月三日宰執進呈葉衡
劄子乞將楊展除落統制官權字上曰楊展於職事之
間留意可作職事修舉特與陞差 十月三日宰執進

呈乞行下諸軍將統制官到訓練官並取索脚色一本
繳申樞密院籍記以備照用上曰莫若作兩項降指揮
過陞差使供脚色一本其統制令供一本置籍繳申
九年閏正月六日宰執進呈馬軍司陞差統領官張遇
為統制梁克家等奏曰比張遇赴都堂審察見其人衰
老庸綽上曰統制言不可苟任異時大節守於此乎選
使其有謀略老固無害若老且縲則無所用 七月二
十四日宰執進呈護聖步軍王世雄改除上曰此軍統
制官乃儲大帥之地不可不遴選其人 十月一日樞
密院奏殿前司申訪聞忠毅軍額外統領蕭從仁九月
二十六日將官兵四十五人騎馬帶弓箭前去監官縣

以來打圍至今未見歸寨詔蕭從仁特降一官 淳熙
元年四月七日知廣州司馬偃言本路帥司水軍以干
人彈壓海道有統領一員無副將管轄舊有統轄一員
窳閑久不差人其餘隊將之屬皆是強盜中選而為之
實難倚托乞於本州東南第十一將正副將中令一員
兼水軍副統領從之 五月六日詔秉義郎與元府駐
劄御前中軍馬軍第一將正將党松年比因奏事謀論
可嘉特陞差與元府駐劄御前前軍統領 二年七月
二十日詔諸軍應管財賦添修造造作之類專令逐軍
統領一員提點出納遇文使統制判押單狀統領方得
收文不許擅自開撥江上諸軍準此 從殿帥王直之請

也三年二月十八日詔自今諸軍陞差兵官內統制徑
行津發赴樞密院審察十月八日詔四川諸軍同統
制同統領開並罷見任人且令依舊自今遇闕更不差
填四年二月八日詔鎮江建康府池州都統司御
前水軍沿海制置司武鋒軍各於所管水軍正副將內
選擇大使臣以上能統衆會於海道立功之人保明一
員申樞密院以備差廣州水軍統領也二十三日詔
荆鄂駐劄御前諸軍自今可作鄂州江陵府駐劄御前
諸軍其都統制依舊以鄂州駐劄副都統制以江陵府
駐劄繫銜以荆南府依舊為江陵府故也四月三日
詔四川諸軍自今陞差將佐可抽摘一二名赴樞密院

審察先是四川諸軍除統制官已令津發赴樞密院審察外餘官未有明降指揮上曰恐帥司去屯軍處稍遠若抽摘一二名赴樞密院審察則主帥自不敢措私意於其間故有是詔十月十三日詔三衙江上四川諸軍統制領官並發赴樞密院審察自將副以下聽一面陞差仍令樞密院不測取旨點摘前來審察從樞密院奏也七年二月八日詔興元府都統制田世卿所部五軍依三衙江上諸軍例每軍差置統制官一員統領官二員餘照陞差格法指揮八年五月一日詔侍從官及內外待制學士以上各舉統制領官一二人具名來上賞罰照應已降指揮初以樞密院得旨令

江上四川軍中統制統領內人才少壯武藝精強沉鷲
有謀諳曉軍政者主帥擇三二人具名保明赴樞密院
審察如稱所舉受進賢之賞儻或不然坐謬舉之罰老
弱者依公揀汰聞奏至是故有是命 九年正月十七
日詔江上都統制自今進奉會慶節馬並令發赴樞密
承旨司繳進 二月二十九日殿前副都指揮使郭攸
言護聖步軍統制官十年間易者十一前後皆是除帥
得此軍者自謂即日超躡不過時暫假途乞自後遇有
闕帥去處乞不拘軍分除授其護聖步軍統制亦許其
統領官內選差從之 十年十月十六日詔自今在外
統帥初到將前政軍器對教點檢遇有損壞即時修補

毋致輕有改作枉費工料 十一年六月二十四日臣

僚言雷州水軍僅二百餘人其統領一員係經畧司辟

差窠闕今經畧司既差正統領又差副統領又差權

副將訓練之屬官愈多而事愈不辦乞悉行減罷詔曰

後不得更作名目創差權官 十二年二月二十三日

詔應除授在外駐劄御前諸軍都統制副都統制如階

官未至陞朝官者與帶陞朝官 十四年九月十五日

詔三衙江上諸軍都統制司添差屬官除見任人令終

滿日後更不差人其差下人從省罷法 建康都統制

郭鈞等言添差屬官所請供給占破白直官兵等數多

實難應辦故有是命 十一月十日殿前副都指揮使

郭欽言策選鋒軍見闕統制官竊見環衛官馮湛終歷
可任緣係環衛官不敢辟置乞自聖裁詔特從之 紹
興二年五月二十五日詔今後諸軍統制官各赴行在
別有除授者其關聽候指揮 紹興五年九月十四日
主管侍衛馬軍行司公事張帥顏言伏覩累降詔旨令
侍從監司選舉將帥實為社稷之計也欲乞下諸路監
司井管軍主帥於本路所管統制官內公共選舉有智
畧廉潔堪究將帥之人一二負具密朝廷審察如或可
采籍記姓名以備他時將帥之用如不應所舉甘生謬
舉之罪從之 慶元三年二月十四日詔殿步司四川
諸軍兵官見依舊法陞差外其馬軍行司江上諸軍今

後統制至準備將仰照舊例格法節次指揮委主帥依
公選擇陞差不得循情有害軍政解赴總領所或不係
總領置司去處委自守臣並審覆保明申樞密院取旨
陞差內統制統領不測點摘前來審觀人材識略或試
以武藝其紹熙四年正月十七日令主帥解發三人赴
總領選擇一名指揮更不施行 嘉泰元年五月二十
八日詔淳熙十二年指揮應駐劄御前諸軍都統制副
都統制如階官未至陞朝者與帶陞朝官可自今後三
衙除未至副使者與轉副使 四年三月十四日樞密
院言三衙沿江蜀道凡十三處軍中自擁隊營隊訓練
將副以至統領統制主帥雖得專陞差之權自準備將

以下俱聽統制保舉異時擢帥亦不過以統制曾為環
列者充之是統制距主帥一級耳今承平日久非曩時
戰功之舊至有校尉為統制者夫既非偉才驟居是職
志得意滿貪殘騷肆兵卒嗟怨正以此也乞自今統制
官闕令主帥擇統領官權其職事一年之後軍政無闕
方許申奏正差或已試無效聽別差就權或統領年限
未及軍帥保明陞差除補滿年限外亦更與差權統制
一年委無過犯方得正差從之 開禧二年正月十日
臣僚言比年以來主帥無特立之操將校有不安分之
求求者慮其員之足而無所致其力太監則亦不敢求
之以正員而予之以額外夫以額外為名則不齒於正

負可也而今與正員並列不計其資格可也而今資格
居上偏正員有關則他人不敢踰乞申飭諸軍除見陞
差人許令姑存外日後統制統領及自餘將校並見闕
差人即不許預先以額外名目陞差從之 四月二十
四日詔三衙江上四川諸軍今後遇有欲不次陞差之
人須於奏狀內稱說委是才能卓赴智勇過人應得已
降指揮主帥結罪保明申奏即與越格陞差殿步司走
都堂審察江上四川諸軍並赴宣撫司 嘉定九年正
月二十五日樞密院言勘會三衙江上諸軍統制統領
將佐離軍各有立定逐路添差差遣其許浦水軍及淮
東安撫司彊勇軍未有立定格法詔許浦水軍都統司

照鎮江都統上司淮東安撫司彊勇軍照江州都統上司各
立定見行雜軍添差立功次數均撥逐路合入差遣施
行 十年十二月九日臣僚言竊見所至都統司有計
議有機宜復有幹辦公事幕府森嚴獨蜀自比歲裁減
計議機宜僅存幹辦一闕推尋初意不過謂兵興以後
用度窘乏徒費廩給然一經省費無與上下共議殊乏
機謀之助今以江上諸戎司較之兵數孰為多寡事權
孰為重輕而蜀之四戎司何為獨啻於此要必幕客重
而後司存重司存重而後可望其折衝於外伸威於虜
也乞明詔有司仍復蜀之四都統司屬官一闕遴選碩
材以重久虛之選其於今日守圍之計有補非淺詔焉

州興元府金州都統司利州副都統司各增置準備差
遣一員仍令樞密院差注右選有出身經任人充十
六年九月十日樞密院言勘會興國軍駐劄御前防江
水步軍官兵並以招足戰舡軍器亦已整備合差置統
制官一員部轄措置教練防守江面詔劉武俊特差充
興國軍駐劄御前防江水軍統制兼統轄防江步軍專
一任責措置訓練

舊印一節以御馬院之印五字為文行使舊來借用驛院印至是始有足命也同日詔御前馬院差置手分四人副知一名兼前行書勅行蓮之字所差手分副知於內外諸官司指名抽差不足聽本院召募試補今後副知手分有關並令以次人遞選其手分候遞選充副知日與補進義副知滿三年與補進武副知出職今來副知係初行差置未有遞選人將差到院及二年依手分遞選副知法補授立界所有見相兼祇應驛院手分二人就差充填上下件手分兼祇應從本院請也同日詔御前馬院於內外官司係公人內踏逐指名抽差二人充庫子祇應及副知手分庫子諸般請給並依祇候庫子例內庫副知無衣人春冬各添人絹二疋冬加錦十兩同日詔餘杭南蕩兩監許各差手分二人於四人內遞選差一名充副知兼前行祇應其副知補授理年並依本院副知條例格法仍降一等補授初補副知與補進義副知界滿三年與補進義副知出職十四年二月三日詔南蕩并餘杭兩縣界水為兩監合破車料依舊行在批勘令戶部指置水陸近便富湯縣餘杭縣照旁既支仍令遞縣依例差人津般赴本監交納知兩縣支破不足於此近縣分撥較供納十六年十月二日詔御前馬院講處差到養馬軍兵并牧贖公文月糧口食米將與依御厨工匠等見請倉界數分一等支給內教駁新給厝及無厝人並特依有舊

曆人例支破本等身分請給日積差列入準此同日詔御前馬院軍兵人吏今
後有逃走并見走未出首人如遇捉獲依法施行外其首身合依舊收管之人
止支無曆人例請給候及三年方許支破本等身分請給十七年五月四日詔
御前馬院可差管草料使臣二人于分三人許已未到部使臣校尉及無違礙
官司人吏或白身人內指差內于分請給並依入內者于分見請則例支破白
身人自差到實及七年典補進武副尉出職有名日人實及七年典轉一官資
日後昇滿之人願留者聽請給理平酬獎仍舊所有管草料使臣請給理任並
依主管回易庫管幹官使臣已得指揮施行十九年十二月二十三日詔御前
馬院見管明年令戶部行下勘給官司大羊每口日支料四升羔兒每口支料
二升就本院御前草料厩內批勘可屬依例供送日後遇有收支羊數聽本院
閱報支給二十三年十一月十六日詔殿前司寄養御前馬驢二百三十頭令
戶部行下勘給官司每頭支草半米料五升就本處寄養御前良馬草料厩
內批勘今後遇有閏收並依良馬所例閱報審院支破施行二十七年正月
二十六日詔御前馬院見管御馬令戶部行下勘給官司每疋每日添次黑豆
二升就草料厩內批勘可屬依例供送日後遇有收支馬數聽本院閱報施行
五月三日詔良馬院見閱請曉馬牲人養飼樞院可下吳璘令選差使西軍兵

二百人分臂請受將帶家屬沿路北走口等差官管押前來赴殿前司交割仍
每年養五八項事故隔二十八年六月二十三日詔見支破御馬院御馬并羊
鹽日供次奉陳御馬依舊支破本色大季外其餘半鹽可以支補故孝宗詔與
三十二年十月五日又元詔御前馬院見管數段銀德壽宮并皇子三王府
差過五十餘人即日問人差使令家見和填指揮格刺五十人限一月差赴御
前馬院填闕今後過關依已降指揮施行限填院月此制八日詔太上皇帝御
羊馬雜以今奉官差人請草料令尚書省行下合屬去處可依定支三年以歲
累降指揮差人拱送赴院所差脚戶御臨安府量支代產錢仍雜定姓名輪差
與免諸般差使十五日監草料場孫朝言伏觀臨安府差浙夫般據草料拱送
御馬院臨安府每日差脚夫五十八名委是控擾竊見良馬院亦係御馬款每
月依宣限日自差人赴草料場支請今來已依良馬院之定宣限日分令本官
差人支請不在公私兩便又可隔送代產之業下戶部相度依本官所乞事
理施行查與元年八月十七日御馬院狀中依指揮性具併省吏額本院見管
副知煎前行一名手分四人欲於數內裁手分一名止以副知煎前行一名手
分三人共四人為額詔見在人且令依舊將來過關更不遺補發填乾道二年
三月十四日戶部侍郎林安宅言大理寺參詳引例禁事內有騎御馬直入兵

依元豐今日長行排建至十將補內外院坊監或廂軍將校者聽緣自渡江以來不曾排連遷補皆係泛恩補授十將人已立定年限出職有押官承局將資秩並後倒乞依條指射內外坊監或廂軍將校出職照得前項引例旨擇難條一時申請日後似此陳乞之人合委照使理難修為或法上合作申明存留照用乞下兵部施行洪三四年七月十六日詔左驍衛上將軍王懷柱淮西興淮南路計度總運副使沈夏攝發運和州胡昉同指置不條民曰荒坡水草地狀養御騎馬十一月十四日詔騎御馬直將校軍兵白被差到直等及二十年之人令戶部改行全分時服以騎御馬直指揮使朱成壽乞依班直支破時服全分故有是命也十九日詔御前南蕩孳生馬監可罷見管馬數令丞首司審驗火印撥付殿前步軍司其所占地從令轉運司拘改行下所屬依條各人請相內有侵占民地仰照驗的確契據分明即行給還淳熙元年五月二十三日詔自今殿前司慮差赴御馬院祇應使臣內帶將劄已上軍職者並令充闕外不得占破正闕人徒等與城半支破如願發遣赴本軍管轄者聽六月九日御前馬院言本院手分各理到院及七年補授進武副尉出職矣是院俸欲將手分案牘依原降指揮於內外無違礙官司并主管官司領職局或御前馬院司人吏內猶有指差及將見管馬司試補候至頭名與改作職級及三年通到

陳及一十年與補役名目出贖如年代不及許令依舊在職補理及方許解發
從之二十四日詔御前馬院計定一年分買草料清錢限在歲庫上庫先次一
併支却令轉運司撥還其被在歲庫言淳熙元年至四年分御前馬院第次於
本庫借過草料錢兩浙轉運司除發還外有未還錢一十一萬餘貫積壓拖欠
淳熙五年三月四日指揮就西庫支取乞以換年分保此施行從之十四年七
月二十八日詔御前馬院減養馬軍兵四十人教駮二十人以司農少卿吳燠請
減冗食下敕令所裁定故有是命淳熙十六年四月一日詔御前馬院使臣羅
軍中兼職其統制魏頌正副將領歸軍依舊職次不願歸軍別聽指揮準備將
至効用並依舊騎習御馬祇應紹熙四年七月一日御前馬院言照得養馬軍
兵不時宣押操練鞍馬入出禁中祇慮近來殺前馬步三司却將有過犯不守
行止之人窺差趕院填問是致作近有妨役使乞今後三司軍兵數內遇有逃
亡事故各問從本院於逐司不入保人內指名差取如本院軍兵教養等養馬
子弟內有及等杖鞭殺軍之人從本院送逐司依等杖格法招刺承填各問庭
議諸曉本院養馬次第可以便喚不致逃避從之慶元三年四月二十五日敕
前司言御前馬院騎習御馬使臣效用并養馬軍兵遇有事故各問並照條例
指名踏逐差撥填問照得淳熙元年正月指揮裁戎定御前馬院習馬使效以

一百二十人為額良御馬院養馬軍兵以七百八十人為額指揮內即無過關
許行踏逐之文至紹熙四年七月指揮止是養馬軍兵過關於逐司不入隊人
內指差及招收本院教駿子弟收刺承項亦無踏逐使放之文後來本院過
兵名關並係招收教駿子弟承項了當今來本院陳請習馬使放并養馬軍兵
並應奉御前竊恐別差作過瘡老疾之人填關乞今後將習馬使放養馬軍
兵名關一例許從自來體例指名踏逐詔今後令御馬院過關踏逐差取仍依
公審實或委曾作過及妨嫌回避財物結繫老疾之人發遣歸軍別作指名差
換嘉定十四年二月十八日樞密院言據御馬院中使效軍兵教駿多是三樹
官兵內差取到院牒應可逐人籍請仍舊在各司層內幫勸乞請竊慮人籍
其處是致幫勸諸人等恐落逃亡身故以數冒請錢米因而別生姦案故將各
人籍請分學赴院令潘幫勸已劄下殿前馬三司并御馬院日下公共相度中
樞密院御馬院外有三衛取到使 左右驍騎院招利到其籍請見在本院曆
內幫勸外有三衛取到使效軍兵其籍請亦在各司幫勸本院遇有逃亡事故
等入即便聞報逐司聞悉今準前項密院劄內事理若將各人籍請分學赴院
令潘幫勸是使宜所自使效軍兵內有該請家口累重添支錢并每月茶食
錢係錢會中半每貫有優潤四十文者及入冬二次各人雪寒錢二貫文并有

事故遺留下妻口兩月日守孝錢未及孤遺養濟錢未寺人舊例保運司支破
詔依御馬院相度到事理施行

宋會要省出說

崇置省馬院淳熙元年四月八日詔步軍司差撥過省馬院充養馬使喚人請
給依殿前馬軍司分學體例施行三年二月八日詔管轄省馬院官委都副承
旨於樞密院準備差使使喚內選差半年一替